

8

7-b


39



Bibliotheca
majori Coll. Rom.
Societ. Jesu

~~67539~~

13'4-11
13-13
e e
50-48



6

7-b

39



Bibliotheca
majori Coll. Rom.
Societ. Jesu

~~67539~~


13:4-11
13-15
e e
50-46







IO. ALOYSII,
ET
ANNIBALIS MARESCOTTÓRVM
FRATRVM,
ARTIS RHETORICAE
COMMENTARIVS.



BONONIAE,
Apud Ioannem Rossum.
MDLXX.

Curia Episc. & S. Inquisit. concessu.

cium facturi paululum aetate progressi, potue-
ritne in politioris litteraturae studiis, quibus
per id temporis operam dabamus, quidquam
ab ingeniolis nostris proficisci, quod vel non
omnino ineptum, aut incomptum videri po-
tuisset: Sed, cum id non semel tantum, ac ite-
rum, verum saepius etiam frustra à nobis ten-
tatum esset, in animos induximus nostros, do-
ctissimorum hominum subire iudicium, ut eo-
rum amantissimis, fidissimisque monitis, et
praeceptis edocti, atque adiuti, quae vera, quae
falsa, quae recta, quae prava essent, tanquam
in lydio lapide probum aurum ab improbo co-
gnosceremus. Quamobrem, nulla interposita
mora, scriptiunculas hasce nostras ijs expen-
dendas, atque examinandas, timide tamen,
vel potius verecundè detulimus, expectantes
interea, quid eruditi ipsi, minimèq; fallentes
ea in re iudicij interponerent: laudarunt tandè
uno ore pueriles nostros conatus, atque etiam
(quod mirum visum est nobis) humanissimè
suaserunt, nosq; hortati sunt, ut quamprimum

num in publicum emitteremus, ea (arbitra-
mur) ratione, ut eo specimine, & qualicun-
que laudis significatione nos impulsī, fidenter
(ut cœpimus) pergeremus, & ceteri id ætatis
adolescentuli dulci, ac iucunda gloriola emu-
latione ad virtutem, ad bonarum discipli-
narum studia incenderentur. Horum grauif-
simorum hominum voluntati cum multis de
causis nobis esset obtemperandum, continuo
commentariolum ipsum ad te (Cæsi Illustriss.
Familiaq; nostræ amplificador, & fautor insi-
gnis) mittendum statuimus, tum ut patrocini-
o tuo, & auctoritate, quam tu maximam
meritissimò partam habes, defendatur, tum
etiam ut testimonium aliquod publicum face-
rēmus multorum beneficiorum, quibus toties
proiucasti, assidueq; nos proiucas, paren-
temq; nostrum in primis, de quo sic habeto,
cū multos, ubiq; habeas amicos, & clientes
auctoritate, gratia, opibus multò, quàm ipse sit,
superiores, nemini tamen eum concessurum
homini, qui aut ardentius te diligit, aut ma-
iore

iore cultu, veneratione, obseruantia te prosequatur. Et si autem nos non lateat, libellum hunc nostrum amplitudine tua parum dignum esse, animos tamen nobis addidit singularis illa, quam tibi insitam esse scimus, humanitas, ut nunc eum tibi offerre nihil vereamur, & quicquid id est, quod ex animis nostris gratissimis, benivolisq; proficiscitur, tibi non ingratum fore confidimus. Excipias igitur serena fronte, hilariq; animo (optime, & virtutum omnium genere ornatissime Præsul) hos primos ingeniorum nostrorum conatus, et nos fratres tuorum addictissimorum clientum numero iam pridem acceptos tenere. Quod si (ut speramus) feceris, nos tibi in perpetuum deuinxeris, & ad maiora studia tendentes animos nostros alacriores reddes. Quod superest, Deum precamur, ut te nobis diu, & incolumem seruet. Vale.

Bononiæ Kalen. Decembris anno à Christo nato M D L X I X.

IN PETRVM DONATVM
CAESIVM NARNIENSIVM
EPISCOPVM HEXASTICHON.



SORTIRI claros prisco splendore parentes
Prudentes censent munera magna uiri:
Ast maiora putant patrium cumulare decorem
Virtute: ac magnis hoc datur usque uiris.
Te, PÉTRE, diuinum hoc munus qui nactus utrunque es,
Magnum, & præstantem quis neget esse uirum?

AD IOANNEM ALOYSIVM,
ET ANNIBALEM MARESCOTTOS
FRATRES

ANTONIUS SVLFRINIUS

CÆS E N A S.



LABITVR instar aquæ tempus, volucrisq; sagittæ
Facta trahens hominum.

Marmora longa dies viuos imitantia vultus,
Acraq; dura terit.

Temporibus cedunt ferientes sidera turre,
Pyramidesq; ruunt.

Aurea testæ, vrbes, arcus, grandesq; colossi, &
Amphitheatra cadunt.

Cecropis vrbs quònam celsit? quò clara Corinthus,
Innumeræq; aliæ?

Corpora strata iacent harum, & vestigia nulla
Cernere pressa licet.


Sola, Marescotti, virtutis gloria nunquam
Interitura manet.

Vim virtus æui, nigraeq; obliuia Lethes
Effugit, & tenebras.

Quare agite, ò claro iuuenes à sanguine creti,
Felsineumq; decus,

Augete ò, vestri propria virtute nitorem,
Atque decus generis.

Sic longam seriem annorum, sic tempora factis
Vincite nobilibus.



IO. ALOYSII, ET ANNIBALIS

RESCOTORVM FRATRVM

RETORICAM



OBIS de Rhetorica agentibus prius ab eius definitione auspicari libet, quod in omnibus disputationibus fieri oportere præcipiunt prudentes, ne vagari postea, & errare coga-

tur oratio.

Rhetorica igitur est ars rectè, aptè, ornatè, ac sapienter dicendi.

Rectè, habita ratione syntaxeos, & phræseos, hoc est, constructionis, & coniunctionis nominum, & verborum: non enim dicere licet, seruius Cæsarem, & amo Pompeio: sed seruius Cæsari, & Pompeiũ amo: nec est dicendũ, gero Prætorem, sed Præturam, nec ago Præturã, sed Prætorem: Aptè, habita ratione rerum: vt enim variant

A res,



res, ita variet oratio, necesse est: sunt enim tres orationis formæ, humilis, mediocris, & sublimis, humilis, qualis est sermo familiaris, & quotidianus, quo utitur Cic. in Epistolis, quas familiares appellant, Epistolas inquit ipse quotidianis verbis texere solemus. Mediocris oratio est, quam Cic. in libris, quos de Philosophia scribit, adhibet. Sublimis, quam idem summus orator in suis orationibus usurpat: utrumque eleganter expressit in procæmio officiorum. Itaque, cuique perfecto oratori (ut supra diximus) illud considerandum est, ut variant res, de quibus agit, ita variandam esse orationem.

Ornatè, habita ratione figurarum, & troporum: Duplex est enim sermo latinus, naturalis, & figuratus: Naturalis sermo est, cum oculum pro membro, quo videmus, usurpamus: Figurata verò ea dicitur oratio, cum lucem pro vita, lumen, & florem pro eo, quod est in vnaquaque re præcipuum, adhibemus, ut lumen Græciæ, Corinthus: iuventus est flos ætatis, & manum pro potestate, caput pro principio.

Figuratur autem sermo Latinus pluribus modis, & primo locis Topicis.

A Definitione, unde ortum habuit periphrasis, ut
Virtus moderatrix voluptatum corporearum
in

in pretio est apud Italos, hoc est Temperantia.
 A' Genere, Vnde Antonomasia profluxit, vt Poetam pro Virgilio, Urbem pro Roma, Prophetā pro Dauide, Apostolum pro Paulo vsurpamus.
 A' specie, vt Cæsar iracundior est Adria, idest quodlibet mare iracundia superat.

A' Coniugatis, quæ quidem sunt hæc.

Cupio: vt pater tuus cupit audire verbum Dei.

Cupidus: vt pater tuus cupidus est audiendi verbum Dei.

Cupiditas: pater tuus cupiditate tenetur audiendi verbi Dei.

Cupide: pater tuus cupide audit verbum Dei.

Item: filius meus studet literis humanioribus.

Filius meus studiosè versatur in literis humanioribus.

Filius meus studiosus est literarum, quas humaniores appellant.

Filius meus in studio humanarum literarum versatur.

Filius meus totum tempus literis humanioribus studendo consumit.

Filium meum nemo non literis humanioribus studentem videt.

A' parte. Subiit Cæsar tectum meum, hoc est domū meam venit: pedem intulit, hoc est seipsum.

A 2 Item

Item Ciuitas te expectabat: te Senatus, te Eque-
ster ordo, te Plebs denique tota expectabat.

Item totus Piso madebat: corpus, humeri, caput,
lacerti, crura, pedesq; Pisonis madebant.

A' Toto. Vnde synecdoche manauit: vt sermonem
in multam noctem traduxisti, idest in magnam
noctis partem.

A' Causa efficiēti pro effectu. Virgilius semper
præ manibus est habendus, idest opus Virgilia-
nū: Sol super terrā elucescit, hoc est dies adest.

A' causa Materiali pro effectu: Cæsar ferro Anto-
nium interfecit, idest gladio.

Ab effectu pro causa efficiente: hinc mortem palli-
dam appellamus, quia pallorem efficit.

A' Contrariis. Vnde Acquipollentiæ, & Ironiæ ori-
untur, vt non recuso munera tua, pro accipio.
Ironia, vt o sceleste vir magnum tibi dedecus
comparabis: hic est sermo naturalis: figuratur
autem hoc modo locus: bone vir magnam fanè
laudem tibi comparabis.

A' signo pro re signata: parcendū est galero, idest
Cardinalibus: cædant arma togæ, hoc est cedant
milites literatis: toga .n. erat insigne literatorū.

A' Simili: Vnde ortum habuit Metaphora, vt gem-
ma vitis, segetes fluctuant, manus pro potesta-
te, caput pro principio.

Ante-

Antecedentia pro consequentibus: Cæsar uirginem soluit zonam Iuliam, idest uirginitatem Iuliam ademit. Zona. n. erat cingulum, quo noua nupta præcinebatur, quod uir in lecto soluebat, factum ex lana ouis, ut sicut illa in glomum sublata coniuncta inter se sit, sic uir eius cum ea cinctus, uinctusque esset.

Consequentia pro Antecedentibus. Abiit ad manes Antonius, idest mortuus est. si me hoc beneficio affeceris, magnam inde lætitiā percipies, idest reddetur tibi à me beneficium.

Instrumentum pro effectu, ut cum nos arma pro bellis, libros pro studio usurpamus.

Continens pro contento, ut cælo gratissima Virtus, hoc est cœlicolis.

Inuentorem pro re inuenta, ut sine Cerere, & Baccho friget Venus, idest sublato cibo, & potu libido perimitur.

Numerus pro Numero, ut Romanus prælio uictor, idest Romani.

Ab adiunctis, ut Franciscus uiuit, spiritum ducit, hoc cælo fruitur.

Vidimus quo pacto sermo Latinus locis Topicis adhibitis figuretur.

Nunc uero, ut materiam hanc absoluiamus, de Tropis & Figuris, quæ quidem & ipse sermonem latinum ornant, agamus.

DE TRÓPIS, ET FIGVRIS.

1 **P**RIMA mutatio fit per Coniugata, ut supra in loco à Coniugatis uidimus.

2 Secunda mutatio est, cum Nominatiuus reducitur in cæteros casus.

	}	Bruti opera libertas fuit in Rep.		
vt Brutus		}	Bruto Reip. libertas est tribuēda.	
Rempub.			}	Brutum Romani habent aucto-
liberauit.				rem libertatis.
	}	A' Bruto profecta est libertas Ro-		
		mana.		

3 Tertia mutatio est omnium casuum in nominatiuum, vt

	}	Clodius occubuit gladio Milo		
Milo occidit		}	nis in uia Appia.	
Clodiū gladio			}	Gladius Milonis Clodium in
in uia Appia.				via Appia transfixit.
	}	Via Appia cruentata est sanguine Clodii, occidente Milone		

Item quando redibis Mantua Bononiā ad nos?	}	Quando Mantua te ad nos Bononiam remittet?
		Quando Bononia te ad nos Mantua redeuntem excipiet?
		Quando nos te uisuri sumus Mantua Bononiā redeuntem?

4 Interrogationis species est, qua uniuerſalem affirmatiuā cū relatiuo, & negatione pronuntiamus;

vt { Omnis homo ſuam ipſius utilitatem amat.
Nemo eſt, qui ſuam ipſius utilitatem non amet.

Quis non amat ſuam ipſius utilitatem?

vt { Vetusas delet omnem dolorem.

Nullus dolor eſt, quē non uetusas deleat.

Quæ uetusas non delet, ac tollit omnem dolorem?

5 Item vniuerſalem negatiuam, cum relatiuo abſq; negatione pronuntiamus.

vt { Nemo diligit hominem vitioſum.

Nemo eſt, qui hominem vitioſum diligit.

Quis diligit hominem vitioſum?

6 Admiratio figura eſt, qua admirantes aliquid efferimus.

vt { Hic homo prudens eſt.

O' quā prudens eſt hic homo.

7 Dubitatio figura eſt, qua dubitantes aliquid dicimus.

vt { Hic vehementer amat pecuniam.

Nefcio, an quicquam huic homini ſit carius pecunia.

8 Adiuratio figura eſt, qua adiurantes aliquid affirmamus.

vt { Hic vehementer amat mulieres :
 { Dispaream, si quicquam est huic homini
 carius mulieribus.

9 Exclamatio figura est, qua exclamantes aliquid efferimus.

vt { Hic homo vehementer doctus est.
 { O singularem huius hominis doctrinam.

20 Abominatio figura est, qua abominantes aliquid in lucem efferimus.

vt { Ego nunquam scelus istud patraui.
 { Dii meliora, quàm vnquam scelus istud
 patrauerim.
 { Absit, vt ego istud scelus vnq̃ patrauerim.

II Occupatio figura est, qua, cum aliquid dissimulamus, tunc maximè affirmamus.

vt { Hæc mulier est venefica, rapax, & im-
 pudica.
 { Hæc mulier est venefica rapax, vt interim
 de eius impudicitia fileam.

12 Ironia est figura, qua per contrarium aliquid agitatione capitis pronuntiamus.

vt { Hæc res adeò erat nullius momenti, vt exi-
 guo senatorum numero exigi posset.
 { Annibal (credo) erat ad portas, aut de Pyr-
 rih pace agebatur, vt tam frequens Sena-
 tus desideraretur.

Et hæc de figuris dicta sunt, nunc verò de Tropis nobis est agendum.

- 13 Mutatio infiniti in primum participium actiuorum præsentis temporis.

vt { Vidi Cæsarem venire.

{ Vidi Cæsarem venientem.

- 14 Mutatio infiniti in secundum participium actiuorum futuri temporis.

vt { Antonius negauit se venire.

{ Antonius negauit se venturum.

- 15 Mutatio infiniti in primum participium passiuum præteriti temporis.

vt { Curabo inueniri Pamphilum.

{ Curabo inuentum Pamphilum.

- 16 Mutatio infiniti in secundum participium passiuorum futuri temporis.

vt { Putaui mittere ad te litteras.

{ Putaui mittendas ad te litteras.

- 17 Mutatio superlatiui variis modis, vt

Cicerat maxime eloquens Roman.

Cicer erat Romani cedebat Cic. in eloquentia.

eloquen Nemo Romanorum erat Cic. elo-

quistissimus. { quentior.

omni- { Nemo erat conferendus cum Cice.

um Ro- { in eloquentia.

manorū. { Supra cunctos eminebat Cic. in eloq.

modi

B Præter

Præter cæteros eloquens erat Cice.

Quis Cic. erat eloquentior?

Cic. superabat omnes Rom. in eloq.

Cic. omnes Rom. anteibat in eloq.

Primum locum inter Romanos occupabat Cic. in eloquentia.

Nemini secūdus erat Cic. in eloqu.

Primas sibi uendicabat partes Cice. in eloquentia.

Cic. eloquentia florens cunctis Romanis præsidebat.

18 Mutatio adiectiui in substantium.

vt { Mare tranquillum exhilarat nauigantes.
 { Maris tranquillitas exhilarat nauigantes.

vt { Venuſta facies te oblectat.
 { Venuſtas faciei te oblectat.

19 Mutatio substantiui in adiectiuum.

vt { Iuxta Homeri ſententiam hoc feci,
 { Iuxta Homericam ſententiam hoc feci.

vt { Liber Cic. ſæper habēdus ē præ manibus.
 { Liber Ciceronianus ſemper præ manibus eſt habendus.

20 Mutatio gerundiorum in nomina ſubſtantiuā.

vt { Cupidus litigandi, cupidus litium.

{ Peritus pugnandi, peritus pugnae.

{ Tempus cœnandi, tempus cœnæ.

Item

Item { Sū aptus. } Reipublicæ administrandæ,
 { Reipublicæ administrationi.
 vt { Do operam explanandis auctōribus, ex-
 { planationi auctōrum.
 { Cæsar uacat agris colendis, uacat cultu-
 { ræ agrorum.

Item { Eo ad pugnandum, eo ad pugnam;
 { Quærebant te ad necandum, querebant
 vt { te ad necem.
 { Veni ad auxiliandum tibi, uel ad auxiliū
 { tuum, ueni in auxilium tuum.

Item { Non desistam ab explanādis auctōribus.
 { non desistam ab explanatione auctōrū.
 vt { Cogitauī de necando Cæsare, de nece
 { Cælaris.
 { De puero ornando cogitatur, de pueri
 { ornamentis.

21 Mutatio aduerbii in nomen adiectiuum.

Plurimū est in foro, plurimus est in foro.
 Rarò est conuiua, rarus est conuiua.
 vt { Frequenter est in aula, frequēs est in aula.
 { Multum apud mulieres uersaris, multus
 { es apud mulieres.
 { Assiduè uersatur in litteris, assiduus est in
 { litteris.

22 Mutatio numeri unitatis ī numerū multitudinis

Romanus prælio uictor, idest Romanus.
 Omnem pecuniam absumpsisti, idest
 vt } omnes pecunias.
 Ego semper amaui M. Brutum, nos sem-
 per amauimus Brutum.

23 Tropus uerborum relatiuorum.

Credere. _____ Debere.
 Emere. _____ Vendere.
 Dicere. _____ Audire.
 vt } Locare. _____ Conducere.
 Docere. _____ Discere.
 Gignere. _____ Nasci.
 Afferre. _____ Consequi, & recipere.
 Nuntiare. _____ Cognoscere.

24 Tropus nominum relatiuorum.

Gener. _____ Soter.
 Discipulus. _____ Praceptor.
 vt } Seruus. _____ Dominus.
 Filius. _____ Pater.
 Vxor. _____ Maritus.
 Cliens. _____ Patronus.

25 Mutatio uerbi, & coniunctionis in participium.

Verberabo te, & dimittam, uerberatum
 vt } te dimittam.
 Lego & scribo, legens scribo.
 Percussi, & dimisi: percussum dimisi.

26 Mutatio participii absoluti in cum & dum, & in
verbum, item in quamuis, & uerbum,

vt } Doctore ueniente, discipuli tacent.
} Cum, pel dum adest præceptor, silent di-
scipuli.

vt } Mortuo corpore, tamen anima uiuit.

vt } Quamuis mortuum sit corpus, tamen
anima uiuit.

27 Mutatio conclusionis,

Vel à personâ nostra,

ob id } Hic igitur non est uir bonus.

vt } Hunc igitur nunquam uirum bonum exi-
stimabo?
} Hunc igitur uirum bonum existimabo?

Item à persona auditorum:

videtis igitur hunc non esse uirum bonum.

vt } Non est igitur, ut hunc uirum bonum exi-
stimetis.

Quis igitur uestrum hunc uirum bonum
existimabit?

Item à sensu communi,

Facile est igitur omnibus intelligere, Cæ-
sarem non esse uirum bonum.

vt } Quis igitur Cæsarem uirum bonum exi-
stimabit?

Nemo est igitur, cui Cæsarem uirum bo-
num liceat appellare.

28 Mutatio temporum.

Quinque tempora indicatiui mutantur in quinque tempora subiunctiui.

Cupio scire quid agis, vel quid agas.

vt } Veni, cum Doctor cœnabat, vel cum Doctor cœnaret.

Lætor quod venisti, vel quod veneris.

Item } Veni, cum Franciscus deambularat, uel deambulasset.

vt } Tu mihi gratissimum facies, vel feceris.

Hunc tibi hominem deuincies, uel deuinxeris.

Item } Pace tua dixerim, pro dico.

vt } Vt doctior sit, non facile dixerim, pro dicerem.

Scis, Antonium venisse, pro scire debes, vel scias.

29 Mutatio casus.

Non sum id nescius, eius rei mihi in mentem venit.

vt } It clamor cœlo, idest in cœlum.

Dolor iniuriæ, idest ob iniuriam.

Huc pertinent omnes casus figurati, qui in alios casus mutantur, de quibus supra vidimus.

30 Mutatio nominis, quæ fit, cum pro particulari commune nomen usurpamus, & hæc Antonomasiâ dicitur.

- { Poeta hoc dicit, idest Homerus.
 vt } Philosophus hoc testatur. i. Aristoteles.
 { Eo ad Vrbein, idest Romam.
 Item { Crudelis hoc fecit, idest Phalaris.
 vt } Mollis hoc dixit, idest Sardanapalus.
 { Hic Cræsus est, idest Diues.
 31 Tropus alius est, quæ Periphrasis appellatur.
 { Pro Philosopho sapientiæ studiosum vsur
 vt } pamus.
 cum } Pro Rhetorica artem benedicendi.
 { Pro tyrāno legū, & libertatis oppressorē.
 32 Alius tropus est, quæ Metonymia nuncupatur.
 { Inuentor pro re inuenta: sine Cerere
 & Baccho friget Venus.
 { Continens pro contento: cælo gra-
 tissima virtus, idest cœlicolis.
 { Efficiens pro effecto: pigrum frigus,
 vt cum } pallida mors, Sol adest .i. dies est.
 { vsurpa- } Opus pro auctore: sacrilegium de-
 tur. } prehensum est, idest sacrilegus.
 { Abstractum pro concreto, vt facun-
 da oratio delectat, idest facundus
 Orator. Virtus cōciliat sibi amicos,
 idest homo, in quō virtus eluceat.
- 33 Alius Tropus Synecdoche appellatur cū ex vno
 plures intelligūtur, i. singularis pro plur. & cōtra.

vt { Romanus prælio victor.
 { Romani prælio victores.

Item cum ex parte totum intelligitur.

vt { Tectum meum subiisti.
 { Domum meam subiisti.

Item contra, cum totum pro parte vsurpamus.

vt { Ingens à vertice pontus.
 { Ingens pars ponti.

Item cum ex specie genus intelligitur.

vt { Sylla iracundior est Adria.
 { Sylla iracundior est mari.

Item cum ex materia forma intelligitur.

vt { Cæsar occidit Antonium ferro.
 { Cæsar occidit Antonium gladio.

Item { Neapolim petii pinu, vel abiete.

vt { Neapolim petii naui.

Item cū ex præcedētibus sequentia colliguntur.

vt { Ajax Oilei F. virgineā zonā soluit Cæsādræ
 { Ajax Oilei F. Cæsādræ virginia tē ademit.

Item cum ex signo res signata colligitur.

vt { Villarum culmina fumant.
 { Nox imminet.

Item { Arboreſ florescere incipiunt.

vt { Veradeſt.

Item cū quocunque modo aliud ex alio colligitur.

vt { Vixerunt coniurati.
 { Mortui sunt coniurati.

Item { Fuimus Troes.

vt { Non sumus amplius Troes.

Item cum instrumenta pro effectu vsurpamus.

vt { Arma cano.
 { Bella cano.

Item, cum consequentia pro antecedentibus vsurpamus.

vt { Abiit ad manes Cæsar.
 { Mortuus est Cæsar.

34 Acquipollētia & ipsa tropus ē, cuius quidē regulā, vt fieri potuit, duob. uersiculis expressimus.

Nomina nominibus contraria, voce negandi

Præposita, quantum nomina prima valent.

vt { Doctus est Cæsar.
 { Non indoctus est Cæsar. ex nomine.

vt { Accipio munera tua.
 { Non recuso munera tua. ex verbo.

vt { Cum telo iuit Clodius.
 { Non sine telo iuit Clodius. ex præpositione.

vt { Multum te amo.
 { Non parum te amo. ex aduerbio.

35 Mutatio genitiui in eum casum, in quo præcedens substantiuum inuenitur, & hæc Endiadys appellatur.

- vt { Virtute animi opus est.
 { Virtute, & animo opus est.
- vt { Amore sciētiæ captus tolero hos labores.
 { Amore, & scientia captus hos perfero labores.

36 Mutatio causæ efficientis.

Prima mutatio est uerbū cū cōiunctione quòd.

- vt { Amo te, quòd bonus es, idest,
 { Amo te probitate tua.

Item ablatius sine præpositione.

- vt { Amo te probitate tua.
 { Amo te doctrina tua.

Item ablatius cum præpositione pro, vel præ,

- vt { Omnes pro timore fugerunt.
 { Omnes præ timore fugam arripuerunt.

Item ablatius cum præpositione ex.

- vt { Ulysses ex uulnere claudicabat.
 { Feci hoc ex consilio patris.

Itē accusatiuus cū præpositione ob, vel propter.

- vt { Omnes ob metum fugerunt.
 { Omnes propter metum terga dederunt.

Item ablatius conuertitur in nominatiuum.

- vt { Amo te probitate tua.
 { Probitas tua inducit, vel impellit me ad te amandum.

Item ablatius conuertitur in nominatiuum cum uerbis pario, & afferro.

- vt { Amo Cæsarem doctrina eius.
 { Doctrina Cæsaris parit ei, uel affert amo
 rem meum.

Item accusatiuus mutatur in datiuum cum uerbo tribuo, & præponitur coniunctio si.

- vt { Non do eleemosynā propter paupertatē.
 { Si non do eleemosynā, tribuendum est
 paupertati meæ.

Item cum est oratio negatiua, ablatiuus mutatur in nominatiuum cum uerbis auoco, & retraho.

- vt { Hic nō uenit in scholā metu præceptoris.
 { Metus præceptoris hunc auocat, uel re-
 trahit à schola.

Item ablatiuus mutatur in accusatiuum cum præpositione per.

- vt { Hodie non prodibimus calore.
 { Hodie non prodibimus propter calorē.
 vt { Non potui uenire ualitudine.
 { Per ualitudinem non licuit mihi uenire.

Item accusatiuus cum ob, uel propter mutatur in ablatiuum cum præpositione de.

- vt { Sum fessus ob, uel propter uiam.
 { Sum fessus de uia.

Item ablatiuus conuertitur in nominatiuum cū uerbo postulo.

- vt { Amo te probitate tua.
 { Probitas tua postulat, ut te amem.

Item ablatiuus conuertitur in nominatiuum cū
 verbo facio

ut { Amo te uirtute tua.
 { Virtus tua facit, ut ego te amem.
 { Virtutē tua fit, ut ego te amem.

Item ablatiuus conuertitur in nominatiuum, &
 adiicitur uerbum in causa est.

ut { Doleo morte Cæsaris.
 { Mors Cæsaris in causa est, ut ego doleam.

Item quinque aduerbia hæc causam efficientem
 exprimunt, inde, eò, unde, quare, quapropter.
 Inde.

ut { Amo Cæsarem doctrina ipsius.
 { Cæsar doctus est, inde fit, ut eum amem.

Item eò

ut { Colo Pompeium probitate ipsius.
 { Pompeius probus est, eò fit, ut eum colā.

Item unde

ut { Tu bonus es, unde fit, ut ego te amore
 { prosequar.
 { Diligo te probitate tua.

Item quare,

ut { Laudo Antonium eius uirtute.
 { Antonius uirtute præditus est: quare eum
 { laudo.

Item quapropter.

vt { Hic studet, quapropter doctus fiet.
 { Hic propter studium doctus euadet.

Item nominatiuus mutatur in accusatiuum cum præpositione per, & uerbum actiuum mutatur in passiuum.

vt { Tu fecisti, ut ego uenirem in hanc urbē.
 { Per te factū est, ut hanc urbem peterem.

Itē uerbū incido mutatur, & conuertitur in uerbū cōtraho, & adiūgitur ablatiuo præpositio ex

vt { Homerus incidit ī cæcitātē nimio studio
 { Homerus contraxit cæcitatem ex nimio studio.

Item accusatiuus cum præpositione ob conuertitur in nominatiuum cum uerbo teneo, quando est oratio negatiua.

vt { Tu non uenisti in scholam ob timorem.
 { Timor tenuit te, quominus uenires in scholam.

Item uerba nascor, nasceris, & capio, capis exprimunt causam efficientem.

vt { Iniuria tua, uel ob iniuriam tuam maximum cepi dolorem.

{ Dolor meus natus est ex iniuria tua.

Item accusatiuus cum ob, uel ablatiuus conuertuntur in datiuum cum uerbo tribuo, & adiūgitur aduerbium quod

vt { Ego Cæsarem non castigauī amore , uel
 ob amorem tuum.
 Quòd Cæsarem non castigauerim , hoc
 tribuendum est amori tuo.

Item aduerbiū hinc exprimit causā efficientem.

vt { Diligo te uirtute tua.
 Tu uirtute polles , hinc amore te prosequor.

Item ablatius opera , & beneficio mutatur in uerbum habeo , uel acceptum fero.

vt { Frācisci opera , uel beneficio eris doctus.
 Franciscū habebis auctore doctrinæ tuæ.
 Francisco acceptā feres doctrinam tuam.

Item cum est oratio negatiua, utimur uerbis teneo, impedio, impedimentosum, retraho, & auoco cum aduerbio quominus, de quibus supra aliud agentes mentionem fecimus.

vt { Timor mihi ueniendi facultatem ademit.
 Timor me tenuit, impediuit, impedimento fuit, quominus in scholam uenirem.

Itē aduerbiū insciē exprimit causā efficientē, ut
 Hic insciē peccat.

Itē aduerbiū quādo efficientē cām exprimit, ut
 Quando mihi parere noluisti, te uerberaui.

Item genitiuus causam efficientem explicat, ut
 Dabis mihi pœnam erroris tui.

Item

Item uerba hæc causam efficiētem demonstrāt,
concilio, procreo, adduco, colligo.

{ Ego amo te doctrina tua.

{ Doctrina tua conciliat, vel procreat tibi
amorem meum.

vt { Doctrina tua adducor te ad amandum.

{ Doctrina tua conciliat tibi amorem meū.

{ Doctrina tua colligit beneuolentiā meā.

Item ea res ineptè mihi nocuit, idest per ineptias meas.

Sic dices imprudenter offendi, hoc est per imprudentiam.

Item odi mulierem hanc, ut deformem, hoc est odi hanc mulierem, quia deformis est.

Item hæc aduerbia, & coniunctiones, causam efficientem explicant, siquidem, cur, nam, quandoquidem, enim, iccirco, & quòd.

{ Omnes te amant ob tuam liberalitatem.

vt { Omnes te amant, siquidem, vel quandoquidem es liberalis.

{ Non est, cur uenias.

Item hæc uerba, adhibita interrogatione, causā efficientē denotant, quid est causæ? ecquid est?

vt { Quid est causæ, cur hoc dicas?

{ Ecquid est, cur hoc dicas?

Item quando locutio est negatiua, adhibemus uerbum assigno, uel tribuo.

- vt { Timore non ueni.
 { Si non ueni, timori est assignandum, uel
 tribuendum.

Item utimur sum, es, uel est.

- vt { Non feci hoc propter dolorem.
 { Si non feci hoc, doloris fuit causa.

Item ablatiuus conuertitur in nominatiuum cū
 uerbo substantiuo, & cum nomine relatiuo.

- vt { Tu me laudas humanitate tua.
 { Tu, qua es humanitate me laudas.
 { Tu, quæ tua est humanitas, me laudas.

Item accusatiuus conuertitur in datiuum.

- vt { Tibi irascor ob breuitatem litterarum.
 { Irascor breuitati litterarum tuarum.
 vt { Ignosce mihi ob timorem.
 { Ignosce timori meo, uel mihi timenti.

Item coniugatum pro coniugato usurpâtes cau-
 sam efficientem exprimimus.

- vt { Respublica fuit causa nostræ amicitiae, &
 { coniunctionis.
 { Respublica nos coniunxit, & conciliauit.

Item ablatiuo adiungitur ex, & proficiscor.

- vt { Amo te probitate tua.
 { Amor meus proficiscitur ex probitate tua

Item hæc locutio significat causam efficientem
 bonum nomen uirtutis fructus est, hoc est
 bonum nomen parit uirtus.

Item

Item quando oratio est negatiua adhibetur uerbum patior.

vt { Non facio hoc timore.
 { Timor non patitur, vt hoc faciam.

Item uerbum perficio causam efficientem denotat, ut perficiam, ut præsens te amet.

Item quando oratio est negatiua, utimur uerbo prohibeo.

vt { Non uenisti hieme.
 { Hiems prohibuit, quo minus uenires.

Item utimur uerbo, arceo.

vt { Tu timore domum Cæsaris non uenisti.
 { Timor te à Cæsaris domo arcebat.

Item uerbum largior causam efficientem significat.

vt { Tribue hoc amori meo.
 { Hoc largire amori meo.

Item uerba hæc causam efficientem denotant sequor, pendeo, mano, effluo, existo.

{ Virtus parit gloriam.
 vt { Virtutem sequitur gloria.
 { A virtute pendet gloria, manat, & effluit.

37 Mutatio causæ finalis, quæ postulat accusatiuum nominis.

{ Verberaui te ad metum aliorum.
 vt { Philippus emit cyathum ad, vel in usum meum.
 { Hostes quærebant te ad necem.

D Item

Item subiunctiuum cum vt, vel quò.

vt { Veni, vt salutarem amicos.
 { Veni quò salutarem amicos.

Item supinum, vt

Veni salutatum amicos, veni bibitum.

Item participium actiuum futuri temporis.

vt { Veni salutaturus amicos.
 { Veni bibiturus.

Obuiam, vt misi discipulos
 obuiam Cæsari.

Item aduerbia { Quorsum, vt quorsum huc ve-
 hæc quinque { nisti.

causam fina- { Huc, vt magnum pariunt ho-
 lem denotât. { norem litteræ: huc enim in-
 uentæ sunt.

Eò, vt eò est oratio mea.

Quò, vt veni, quò te uiderem.

Di. Veni te causa salutandi.

Item gerundia { Dum cum præpositione, ut ue-
 hæc quatuor { niad te salutandum.

causam fina- { Dū sine præpositione, vt appo-
 lem demon- { sui tibi piscē epulandū. Pater
 strant. { dedit mihi vos erudiendos.

Indo quando est datiuus: ut

Christus, se ipsum impendit
 seruādis nobis.

Item

Item datiuus nominis causam finalem denotat.

vt { Dedi tibi hoc pignori.
 { Cæsar venit auxilio nobis.

Item adiectiuum causam finalem significat,

vt { Dabo tibi uestes dotales, idest in dotem.

Item uerba hæc causam finalem exprimunt, vt
 eò pertinet, spectat, refertur oratio mea.

Item aduerbium ne, causam finalem exponit, ut
 Fugiamus hinc, ne hostes nos captiuos ducant.

Item huiusmodi aduerbia causam finalem explicat.

vt { Tu me inuidiosè interrogasti, idest ad
 { excitandam inuidiam.
 { Tu odiosè hoc dicis, idest ad hoc, ut odi-
 { um concites.

Item huiusmodi participium causam finalem de-
 monstrat.

vt { Abfui proficiscens in Græciam, idest
 { Abfui, ut proficiscerer in Græciam.

Item huiusmodi loquendi modus causam fina-
 lem exponit.

vt { Mercatores huc uenerunt lucrum secuti,
 { lucro commoti.
 { Lucri cupiditas mercatores huc adduxit,
 { vel impulit.

Item nomen relatiuū causam finalem exprimit, ut
 Affer buccam panis, quam pauperi dem.

38 Ratio loquendi per circumstantias rei, ut
 Quando redibis Demophoon ad me? in hac
 cutione duæ insunt personæ, tempus, locus,
 instrumentum, consequentia, & contraria.

A' persona Demophoontis.

Quando tu Demophoon pedem referes, te vi-
 suri sumus, ora referes.

Item à persona Phyllidis.

Quando redibis ad me Phyllim? Quando te
 complectar? Quando colla mea sustinebunt
 brachia tua? Quando premes collum meum?
 Quando oculi mei te uidebunt? Quando ma-
 nus meæ te aduenientem recipient?

Item à loco.

Quando limina mea? Quando portus meus te
 excipiet? Quando limen domus meæ teretur
 à te? Quando agros Threicios reuises? Quando
 domus mea te Athenis redeuntem excipiet?

Item à tempore.

Quando erit, uel illucescet illa dies, in qua te
 uidebo?

Item ab instrumentis, quæ sunt remi, uela, uenti,
 anchora, carina, & puppis.

Quando uela tua conspiciam? Quando uenti
 uela tua ad nos referent? Quando nauis tua pre-
 met portus meos? Quando anchora reuocabi-

tur

tur ad nostra littora? Quando æquora nostra
spumescent remis tuis?

Item ab adiunctis, quanta tuo aduentu afficiar
lætitia? omnia tuo aduentu ridebunt.

Item à consequentibus, ut.

Quando te conspiciam? quando fidem solues?
uel præstabis?

Item à contrariis.

Quandiu aberis? Quandiu me hac sollicitudi-
ne liberabis? Quandiu carebo conspectu tuo?
à contrario consequenti.

39 Item alia ratio mutāda elocutionis admonet, ut
uerbū rarius cōcordet cū psonis, sed cū rebus:
uerbī gratia, Io m'acquistai cō l'industria mia
questo poco di dottrina. Industria mea hoc quic
quid ē doctrinæ in me, mihi peperit. Io non mi
scordarò mai de' benefici, che m'hai fatto: Nul-
la dies vnquā ex animo euellet beneficia in me
tua. Io ricupererò le forze questa primavera:
tempor vernus vires iam imminutas restituet.

Et hæc de ornata dicendi ratione dicta sunt.
Et quia Rhetorica (vt supra demonstraui-
mus) est ars rectè, aptè, ornatè, & sapienter dicendi.
Explicatis iam tribus aduerbiis. Aduerbium
illud sapienter nobis est explicandum.

Sapienter igitur adhibita grauitate rerum, id est
senten-

sententiarum . Orator enim grauiā non leuiā ,
ac fabulosa proferre debet.

Explicata definitione Rhetoricæ facultatis , ad
explanationem causarum properemus , quæ
quidem sunt quatuor.

Efficiens, materialis, formalis, & finalis.

Causa efficiens Rhetoricæ facultatis est triplex ,
ars , imitatio , & exercitatio , Ars (vt inquit
aūthor ad Hærennium) est præceptio , quæ
certam viam , ac rationem dicendi tradit.

Imitatio est, qua cum diligenti ratione impelli-
mur , vt in dicendo aliquorum similes esse ua-
leamus.

Exercitatio ē assiduus vsus, & cōsuetudo dicēdi.
Et quia de causa efficiēti mentionem fecimus :
Liceat parumper nobis diuagari, ac inuestigare,
quæ sit causa efficiens omnium actionum : non
enim ab re esse duximus hanc in hoc loco inse-
rere : cum etiam orator varias subeat actiones.

1 Naturalis , ut ignis.

Voluntaria , vt faber.

2 Ex toto, vt Sol est, tota causa dici ,
quæ sola hunc effectū parere pōt.

Ex parte mater ē partialis causa filii,
sicut & pater: quarū vna sine alia
similē effectū parere nō potest.

3 Prin-

Quæ
est, aut

3 Principalis, ut robur in militia ad victoriam.

Minus principalis, ut ars in militia.

4 Propinqua, ut pater est causa propinqua filiorum.

Remota, ut auus est causa remota filiorum.

5 Vniuersalis, ut Deus est causa mortis.

Particularis, ut febris est causa particularis mortis.

6 Principalis, ut faber.

Instrumentalis ut telum, & secures.

7 Præparans, ut doctrina, & assuetudo est causa præparans nos ad virtutem parandam.

Adiuuans, ut inclinatio naturæ est causa adiuuans nos ad virtutem parandam.

8 Agens mota ab aliis, ut voluntas, quæ mouetur utilitate, & corpus ad laborem impellit.

Agens, & impellens, quæ impulsiva vocatur, ut paupertas mouet pistorum ad pinsum panem.

9 Principalis, ut amor in amante est causa principalis stupri.

Occasio

Occasio est circumstantia temporis,
aut loci, quæ facultatem præbet stu-
pro, vt nox, & locus.

Causa incitatrix, vt vinum est causa
stupri.

Explicato hoc breui causæ efficientis omnium
actionum cōpendio: nunc verò, vnde digressi
sumus, nostra reuertatur oratio.

Materia Rhetoricæ facultatis est quæstio, quæ
est id, de quo quæritur, idest de quo dubitatur.
Et hæc diuiditur in thesim, & hypotheshim.
Thesis est quæstio infinita nullum habens tem-
pus, locum, ac personam finitam.

Et hæc duplex est, cognitionis, & actionis.
Cognitionis, vt, cum quærimus cursum stella-
rum, ac planetarum: hæc quærimus, non vt
agamus, sed vt cognoscamus tantum. Actionis
verò, vt, cum quærimus partes iustitiæ, eiusq;
contrariæ: hæc inuestigamus, vt non tantum
cognoscamus, sed vt in actionē conuertamus.

Hypothesis est quæstio certum tempus habens,
locum, & personam: & hæc diuiditur in genus
deliberatiuum, iudiciale, & demonstratiuum.

Deliberatiuum genus est, quo suademus, vel
dissuademus aliquid fieri. Huius loci sunt octo.

Honestum, vtile, iucundum, necessarium,
possibile,

possibile, facile, tutum, & æquum.

Honestum est, quod per se expeditur, etiam si nulla inde aut utilitas, aut voluptas sequatur: ut fortitudo est honesta, non enim vitæ parcimus, ut fortis nomen consequamur.

Vtile est, quod naturam sustentat, ut cibus est utilis, eo enim ad corpus alendum utimur.

Iucundum est, quod naturam exhilarat, ut condimenta sunt iucunda, non utilia: non enim tam pertinent ad sustentandum, quàm ad exhilarandum corpus ad humanum.

Necessarium est, quo carere non possumus, vel quo carere vix possumus. Et hoc est duplex; simplex, & coniunctum. Simplex, ut moriendum est, & hoc non cadit sub deliberationem, deliberare enim est quasi delibrare, idest de duabus rebus, veluti adhibita lance, vnâ eligere, & alteram refutare: at moriendum est simplex quid est, & de re vna, ac simplici nulla potest esse deliberatio, ergo an moriendum nobis sit, deliberare non possumus.

Coniunctum verò est, ut comedendum est, aut moriendum: & de hoc deliberare possumus.

Æquum est, quod consentaneum est legibus, ut reddendum esse depositum æquum est: hoc enim leges præcipiunt.

Possibile est, quod potest fieri, & potest non fieri: vt possibile est in forum ire, licet enim, & non licet illud agere, nam hoc positum est in nostra potestate. Facile est, quod sine magno sumptu, tempore, & labore fieri potest: vt Antonio possibile esset opiparū conuiuium parare, sed non facile: magnum enim sumptū, magnū tempus, magnumq; laborē insumeret. Tutum est, quod rem familiarem, & salutem tuetur: ut arx est tuta, quæ salutem, ac rem familiarem tutatur. Et de his latius infra dicemus. Et hæc de genere deliberatiuo dicta sufficiant. Iudiciale verò genus est, quo defendimus, vel accusamus aliquem, & à iudico dictum est: iudico verò est ius dico.

Ius est multiplex. Naturale, legitimum, quam legem appellamus: consuetudo, æquum, uel æquitas, iudicatum, & pactum.

Ius naturale est, quod à natura citra docentis operā nobis inditum est. Et hoc in sex partes diuiditur in religionē, pietatem, gratitudinē, vindicationem, obseruantiam, & veritatem: vnusquisque enim per se intelligit, Deos esse colendos, parētes obseruandos, beneficia rependenda, vim illatā repellendam, maioribus obtemperandum, promissa præstanda.

Lex est ius, quod à populo, vel Imperatore latū est, vt adulterium esse puniendum, sicarium è medio tollendum.

Consuetudo est ius tacito populi consensu propter vetustatem, idest per decennium æquè, ac si legitimum sit, introductum, vt est apud quosdam populos, ubi nemini agrum vendere licet, nisi à vicino venia petita.

Æquum, vel æquitas est mitior legis interpretatio, ut lex est, si quis peregrinus murum ascendat, morte plectatur, ascendit quidam externus, vt urbem ab imminentibus hostibus defenderet, rapitur ad supplicium, hic mitius lex est interpretanda; ea enim fuit mens legislatoris, vt peregrinum muro ascendentem ad urbem oppugnandā prohiberet: præterea mater in utero gestans moritur, hæredesq; instituit duos filios superstites, nulla interim habita mentione filii, quem in utero gestabat: moritur, discerpto ventre extrahitur infans viuus, adolescit, petit portionem hæreditatis, negant fratres, nulla, (inquiunt) mentio tui in testamento facta fuit; at hoc in casu mitius lex est interpretanda: nam filii quatuordecim de causis à parentibus exheredantur: ego nullā harū matri attuli; ergo non fui exheredandus.

Iudicium est sententiā à iudice lata, quæ vim legis habeat: vt, cum nulla pœna in parricidam in legibus extaret, iudices cum culeo insuendum cum vipera, simia, & gallo gallinaceo, ac in profluentē coniiciendum curarunt; hæc sententiā vim legis obtinuit, & iudicaturis in posterum exemplum attulit.

Pactum est, quod inter aliquos conuenit, vt si quis polliceatur daturum se certam pecuniam alicui, si Romā velit adire; hic, si Romā adierit ueluti iure suo pecuniam repetit, idq; ex pacto. Locus autem generis iudicialis vnus est, idest à iusto, quod legibus consonat.

Demonstratiuum genus est, quo laudamus, uel uituperamus: huius locus est ab honesto, quod est id, quod per se expetitur etiam si nulla utilitas inde consequatur.

Diximus tria etiam genera causarum, demonstratiuum, deliberatiuum, & iudiciale. Sed horū singula tres habent species quæstionum coniecturalem, definitiuā, & qualitatem, idest an sit, quid sit, & quale sit.

Nunc de coniecturali quæstione, idest an quis fecerit, agamus.

CONIECTVRA, SIVE QVÆSTIO AN SIT.

An fecerit.	VO- LVN- TAS	{	QUALITAS, Persona, patria, natio, sexus, parentes, genus, ingenium, indoles, educatio, disciplina, mores, res gesta, professio, Aetas, mors, opinio post mortem.		
			CAV- SA	{	IMPLVSIO, idest omnes perturbationes, amor, odium, ira, inuidia, auaritia, ambitio, libido.
	RATIO- CINA- TIO	{			ad bonu Adeptio bonorū. ad malu Euitatio malorū.
			POSSIBILITAS	{	
{	Adiuncta.	Consequentia.			
			{	Circumstantiæ rerum, locus, occasio, modus, instrumentum &c. vide Arist. ubi de possibili.	

QVÆSTIO DEFINITIVA, SIVE QVID SIT; VT

Abstulisti rem sacram de loco sacro, ergo sacrilegium cōmisisti à definitione sacrilegii: nam sacrilegiū est ademptio rei sacræ de loco sacro: non sacrilegiū cōmisi, sed furtum potius: res enim, quam abstuli, non erat sacra, sed profana.

STATVS QUALITATIS.

Status
qualita
tis, aut.

ABSOLVTVS, cum quis dicit, se fecisse aliquid, aut natura impellente, aut ex lege, aut ex consuetudine, aut ex æquo, & bono, aut iudicato, aut ex pacto de quibus supra in genere iudiciali diximus.

- | | | | |
|--|---|---|---|
| Assumptius,
cū quis
in de-
fenden-
do uti-
tur aut. | } | 1 | Inficiatione, i. negatione facti. |
| | | 2 | Remotione, vt cū in rem transfertur culpam: nō scripsi valitudine impeditus, nō torpore |
| | | 3 | Trāslatione, vt cū culpa in aliū transfertur, vt non ego, sed alius fecit: vel feci, sed iussu consulis feci. |
| | | 4 | Comparisonem, vt de duobus malis, minus elegi, vt pudicitiam adolescenti cum eripere vellet tribunus militū, |

ab eo est interfectus: vocatur puer in iudiciū, se excusat dicēs, se maluisse aliquid periculose facere, quā turpiter pati.

- 5 Translatione actionis, loci, iudicis, vt tibi non competit actio: debeo, sed non hoc tempore, non hoc in loco, non sub hoc iudice.
- 6 Translatione cū finalis, abii ad lutheranos nō ad amplectēda eorū dogmata, sed ad refellenda.
- 7 Relatione, vt occidi, ille enim causam attulit, uel procurauit.
- 8 Cōpensatione feci, sed magnā reip. utilitatē attuli.
- 9 Deprecatione, quæ non venit in iudicium, sed ad Imperatorem, vel populum.
- 10 Fortuna, vt non veni impeditus imbre.
- 11 Imprudentia, intorsi sagittam in feram, & occidi Cæsarem.
- 12 Necessitate, vt feci, sed necessitate impellente feci, uento flante deieci mulierem in foueam.
- 13 Extenuatione per definitionem, vt sacrilegium non commisi, sed furtum.

Explicatis iam causis tum efficientibus, tum am-
terialibus, nunc ad formam propero, quæ est
oratio non Historica, non Poetica, non Comi-
ca, sed argumentosa.

Finis Rhetoricæ facultatis est persuadere, idest
fidem facere. Differunt autem fidem facere, &
scientiam parere. Fides enim est rei cognitio
cum suspitione contrarii; eamq; facimus argu-
mentis probabilibus, vt inimicus erat, ergo
occidit, sunt & multi, qui inimicos seruant.

At scientia est firma, & vera rei cognitio,
eamq; parimus argumentis necessariis, vt lac
habet, ergo cum uiro concubuit; hoc pro-
prium est ipsius Philosophi: fidem facere verò
est proprium oratoris, qui argumentis adhibi-
tis, aliquid persuadet: argumentum verò est
quid inuentum, idest erutum è locis veluti
è fodinis: Argumentum est res nota rem igno-
tam probans, vt ignotum est, an Pamphilus
amet, sed, cum versetur in lupanari, qd est no-
tum, per hoc probo cum amare, vt

Quisquis versatur in lupanari is amat, Pamphi-
lus versatur in lupanari; ergo Pamphilus amat.
Argumentum est duplex, necessarium, & pro-
babile.

Argumenta necessaria sunt ex propositioni-
bus

bus, uel enuntiationibus semper eodem modo se habētibus, ut Deus est sapiens, & bonus. Argumenta uerò probabilia sunt, quæ plerumq; & ut plurimum, uel si non oninino, at maiore quadam ex parte uera sunt, ut omnis mater diligit filium.

Differt autem argumentū ab argumentione. Argumētatio enim est argumenti explicatio, idest dispositio, & est totus syllogismus.

Argumentum autem hoc pacto disponitur aliquando enim, & plerumq; ponitur in prima parte maioris propositionis, nonnunquam in ultima parte utriusque propositionis, & aliquando in prima parte maioris, & minoris propositionis.

Omniagen-
ra argumē-
torum, tam
necessario-
rū, quā pro-
babiliū hęc
sunt.

A sumpta
i. extrin-

secas, quæ
testimo-
nia appel-
lantur.

Divina
quæ sex

Hu-
ma-
na;
quæ
tria, vel

Oracula.
Auspicia.
Vaticinationes.
Responsa sacerdotum.
Auspicum.
Coniectorum.

Auctoritas.
Volun-
tas.
Oratio,
quæ est
vel
Libera, quæ con-
tinet scripta, pa-
cta, & promissa.
Expressa, quæ
cōtinet iurata,
& quæ sita.

Affixa, vel
infixa.

Infixa, quæ
sūt affixa,
vel infixa,
& affecta.

Affecta sunt.

Definitio.
Enumeratio.
Etymologia.
A cōiugatis, à ge-
nere, à specie, à si-
mili, à differen-
tia, à contrario.
A cōiugatis, ab
antecedentibus, à
consequentibus,
à repugnantibus,
à causis, ab effecti-
bus, à maiori, à pa-
ri, à minori.

Nunc hęc singula, quæ sint uideamus, & pri-
mum de diuinis dicendum est.

Oraculum est uox diuino ore prolata; ut si uel-

Responsa

F lem

lem probare, Socratem esse sapientissimū, hoc ab Appollinis testimonio probarem, qui eum sapientissimum appellauit. Huc pertinent verba omnium diuinarū scripturarum; ut si quis neget auaros, & adulteros perdendos, hoc falsū esse Apostoli verbis probabo: auari inquit ipse) & adulteri regnū Dei non possidebunt. Auspiciū est significatio per aues, fulmina, & tonitrua, &c. vt non licet hodie haberi comitia, quia tonuit, & fulgurauit: item quia morbo regio quis oppressus in campo decidit, quem morbum comitiale appellabant: quia si quem impeteret, dissoluebantur comitia.

Vaticinationes vatum erant prædictiones: vt Sibylla: vt si probem, nō reducendū esse Ptoemæum in regnum; quia scriptum est, caueat P. R. ne regem cum exercitu deducat. Huc pertinent scripta Hieremiæ, Isaia, & cæterorum Prophetarum.

Responsa Sacerdotum, Pontificum decreta, qui iuri præerant, ut hodie placandi sunt manes, vel funebria persoluenda, quia Pontifex mandauit: ius canonicū appellatur nostra tēpestare.

Responsa Aruspicum. Hi erant extorum inspectores: nigrescunt exta: non igitur suscipiendum est bellum:

Responsa

Responſa coniectorum, ſomniorum interpretes
ut de Daniele, de Iosepho. Item Liuius de ſe-
cundo bello Punico ſcribit, viſum eſſe ſolem
pugnare cum Luna, & Solem minui. Hoc por-
tendebat Imperium Romanum fore ab Anni-
bale imminuendum, ac propè frangendum.

Declaratis iam diuinis, nunc quæ sint humana,
videamus.

Auctoritas est sententia imitatione digna; & proprie ad sapientes pertinet, qui possunt de rep. certam facere sententiam: ut si velim probare voluptatem esse malā: id ab auctoritate Platonis probabo, qui eam escam vitiorū appellat, ut enim esca illicit pisces, sic voluptatis consequendæ libido homines ad flagitiū impellit; hinc enim proditioes, hinc clandestinæ cædes, hinc furta oriuntur. Vide Cic. de senectute.

Voluntas est propriè Magistratuum, sic volo, sic iubeo, vt edicto cavit, ne quis circumferat gladium. Huc pertinent leges, edicta prætorum, statuta principum.

Scripta, huc, pertinent testimo-
nia, vt ego habes, quod ex testi-
monio probō.

Libera } Pacta, si quis neger, se mihi debe-
re pecuniam, ex chyrographo
probo.

A de dextera } Promissa Dido arguit a fide: Nec
te data dextera quondam fides
est argumentum iustitiae.

Oratio }

Iurata } Iurata, iureiurando veritas elici-
tur; Illaci cineres, & flamma
extrema meorum.

Expressa } Quæ sita tormenta sunt, in qui-
bus dolor elicit veram vo-
cem.

Vidimus, quæ sint argumenta assumpta, id est
extrinseca: Nunc uero de insitis, vel affixis aga-
mus: & primo a definitione est inchoandum.

DE DEFINITIONE.

DEFINIRE autem est rem inuolutam euol-
uere, & explicare, vt Dialectica est ars ve-
ri, & falsi discernendi.

Definire est rem suis finibus terminare, sumpta
metaphora ab agris, quibus fines circumpo-
nuntur, vt ager ab agro secernantur; sic De-
finitio introducta est, vt res à re distinguatur.

Definitio

Definitio introducta est, sumpto exemplo à natura, vt enim natura homines communione similes quadam uarietate distinxit, idest uarietate uultus, sic Definitio res cōmunione quadam similes, quadam proprietate, ac uarietate distinguit, vt hōmo, bos, angelus sunt animalia, sed homo est animal rationale, mortale; rationale ad differentiam bouis, & ceterorum belluarum ratione carentiū: mortale ad differentiam angeli, & ceterorū spiritūū celestīū.

Definitio gerit vicem Medii Termini: ea enim magis est aperta, quam ipsum Definitum: vt si uelim probare, Dialecticā esse vtilem, ab eius Definitione probo.

Quicquid parit cognitionem veri, & falsi est utile: Dialectica, est cognitio, veri & falsi: ergo Dialectica est utilis.

Definitio constat ex genere, & differentiis: vt homo est animal rationale, mortale.

Quid est genus? Est nomen generale continens sub se multa nomina particularia, vt animal continet hominem, bouem, leonem, equum &c.

Definitio, quæ cōstat ex genere, & differentiis crebro usurpatur, tum ab oratore, tū à dialectico.

Et quia

Et quia non tantum quid definitur per genus, & & differentias, sed etiam per causas, ideo nunc causas inuestigemus.

Quattuor enim sunt causæ, efficiens, materia, forma, & finis.

Efficiens causa est persona, uel res aliquid faciens, ut uestiarius uestem.

Materia est, ex qua aliquid fit, ut pannus, ex quo fit vestis.

Forma est rei perfectio, & absolutio, cuius merito res est, & appellatur, ut vestis, & mensa.

Finis est, cuius gratia aliquid fit, ut vestis fit tegendi corporis gratia.

Definitionum autem causaliū exempla hæc sunt.

Domus est ædificium ex cæmentis, & lapidibus constitutum ad pellendas cœli iniurias.

Vestis est integumentum factum, tegendi corporis gratia.

Panis est cibus coctus ex farina, & aqua compactus.

Nonnullæ etiam Definitiones constāt ex genere, & officiis, vel effectibus, cum enim penuria differentiarum laboramus, ad officia, & effectus rerum excurremus; ut

Rex est, qui vnus rerum potitur, & ius dicit ex certis legibus.

Tyrannus

Tyrannus est, qui vnus rerū potitur, & ius dicit ex arbitrio suo, non ex præscripto legum.

Magnes est lapis, qui ad se ferrū allicit, & trahit.

Virtus est propensio voluntatis, quæ incitat ad agendum secundum rectam actionem.

Vitium est propensio voluntatis, quæ incitat ad agendum præter rectam actionem.

Grammatica est ars rectè loquendi.

Medicina est ars pellendi morbum.

Rhetorica est ars rectè, ornatè, & apertè loquendi.

Definire etiam quid possumus, adhibitis eius partibus. Partes sunt, quæ simul iunctæ constituunt totum, vt si statuarius coniungat crura, ventrem, caput, & brachia, constituet corpus. Definitio igitur erit huiusmodi.

Corpus est, quod capite, vêtre, brachiis cōstat.

Domus est ædificiū fundamento, parietibus, tectoq; constans.

Nomina temporū definiūtur etiā per partes, vt.

Annus est spacium temporis constans trecentis sexaginta sex diebus, & quadrante.

Mensis est spatium temporis constans ferè triginta diebus, vel est duodecima pars anni.

Hebdomas est spatium temporis constans septem diebus.

Dies

Dies est spatium temporis constans ex viginti quatuor horis.

Nomina locorū definiuntur etiā per partes, vt Bononia est vrbs in Gallia Cisalpina, quam Rhēnus interfuit.

Italia est regio Europæ Adriatico mari, & Tusco, alpihus, & Apennino clausa.

Nomina numorū etiā per partes definiuntur, vt Denarius est nummus constans ex quatuor sestertiis.

Sestertius ē nūmus duobus assibus, & dimidia.

Assis est nummus constans ex quatuor quadrāntibus.

Definitur etiam quid ex instrumento, vt oleum est liquor ex oliua trapetibus expressum.

Item à destinatis quid definimus, vt Bellum Troianum fuit, quod Græci cum Troianis gesserunt propter Helenam scelestam.

Item qualiter quid definiatur à qualitate, vide Ludouicum Viuem de hadyāde differentem.

Definitur etiam quid à relatione, vt

Pater est, qui habet filium.

Filius est, qui habet patrem.

Item inuenitur Definitio ab actione, vt

Delphin est celerissimus piscium natans, & solus inter eos saliens.

Definitur

Definitur etiam quid à passione, ut
Iracundus est, qui ad iram leuissimis de causis
celerrimè rapitur.

Adest etiã Definitio à tempore, ut Amygdalus
est arbor, quæ prima omnium floret.

Pyrus syluestris est arbor, quæ tardissimè floret.

Item definitur quid à situ, ut.

Homo est animal recto vultu cœlum intuens.

Definitur etiam quid ab habitu, ut

Romani sunt gens togata.

Græci sunt gens palliata.

Definitur etiam quid à contrariis, ut.

Cæcitas est priuatio uisus.

Definitur etiam quid per Metaphoram, ut

Iuuentus est flos ætatis.

Senectus est occasus uitæ. Et de hoc uide
Boetium de differentiis.

Definiri, & quid potest per indigentiam, ut


Quadrans est, cui dodrans deest, ut sit assis.

Vltimò definitur quid per negationem, ut.

Accidens est, quod neque genus est, neque
differentia.

Sed antequam ulterius progrediamur, res postu-
lat, ut quæ sit substantia, & accidens, uideamus;
postea quæ sit qualitas.

Q V I D S V B S T A N T I A , Q V I D A C C I D E N S .



DE GENERE, ET SPECIEBUS.

GENVS est nomen commune omnibus speciebus.

Species est nomen commune omnibus indiuiduis.

Negato genere, negatur & species, ideo à genere ad speciem negatiuè argumentamur.

Genus enim est prius, quàm species, & gerit uicem materiæ, ut nulla uirtus erat in Nerone, ergo nec temperantia.

Posita specie, sequitur genus, & ideo ab ea affirmatiuè argumentamur, ut Seius est homo, ergo est animal.

DE TOTO, ET PARTIBVS.

TOTVM est, quod constituitur ex partibus. Partes sunt, quæ simul iunctæ constituunt totum.

Posito toto, sequuntur & partes, ab eoq; affirmatiuè sumimus argumentum, ut domum diruendam conduxisti: ergo & fundamenta.

Remota parte, remouetur & totum, & ideo à partibus ad totum negatiuè argumentamur, ut non est paries, ergo nec domus.

Differunt autem genus, & totum, species, & partes: genus enim est prius speciebus. Totum uero est posterius partibus. Speciebus singulis inest genus, sed singulis partibus non inest totum.

Multiplex autem est totum, totum in quantitate, ut exercitus est ualidissimus, ergo & legio, & cohors.

Totum in tempore, ut Deus semper prouidet rebus humanis, ergo & nunc.

Totum in loco, ut Deus est ubiq; , ergo & hic.

DE NOTATIONE VERBI, IDEST
DE ETYMOLOGIA.

ARGUMENTAMUR ab interpretatione rei idest à notatione ad rem interpretatam negatiuè: negata .n. deriuatione, negatur & deriuatū, ut non est studiosus sapientiæ: ergo non est Philosophus: non loquitur de Deo, ergo non est Theologus, non est factum de meo tuum, ergo non est mutuum, non fecisti quod dixisti, ergo fidem non seruasti.

A re interpretata, idest à nota ad interpretationem, hoc est notationem argumentamur affirmatiuè, ut Theologus est: ergo potest,

uel

uel debet loqui de Deo. Philosophus est, ergo studiosus Philosophiæ sit, necesse est, hoc factum est de meo tuum, ergo est mutuum.

A' CONIUGATIS.

CONIUGATA sunt, studeo, studium, studiosus, & studiosè: iustus, iustè, & iustitia. docere, doctor, & doctrina.

Posito vno coniugatorum, ponitur & alterũ. Et econuerso: negato enim altero ex Cõiugatis, negatur & alterum: ut si doctrina est bona, ergo docere est bonũ, si iustitia est reddere vnicuique quod acceperis, ergo Alexander pomum reddens ei, à quo pomũ alius acceperat, iustè fecit, si Populus Romanus amat libertatem: ergo & liberatores, maritum, & uxorem Deus coniunxit: ergo matrimonium est coniunctio diuina.

Differunt locus à coniugatis, & locus ab Etymologia, Coniugata enim non sunt idem inter se. Sed interpretatio rei cum re interpretata est vnum quid inter se.

A' SIMILI.

SIMILITUDO est duarum rerum inter se collatio: vel similia sunt, quæ in qualitate conueniunt, ut sanitas prius amissa, & postea recuperata iucundior est: sic patria exuli restituta carior est, ut virga tortuosa admota paulo facile dirigitur, sic tenera puerorum ætas, si recta institutio accesserit, facile emendatur: & ut arbor nodosa, & trunco detorto, nulla vi corrigi potest, sic hominẽ prouectæ ætatis nullo modo emendare valebis. Huc pertinent parabolæ, apologi, fabulæ, argumenta, & apophthegmata.

Parabola non differt à similitudine: ut de eo, qui ædificare cœpit turrim in Euangelio, nec absolvere potuit: quo docemur maiora uiribus nos aggredi non debere.

Apologus est res ficta, in quo multa animalia loquẽtia introducuntur: ut de aranea, quæ retia in foribus suspenderat, & postea ab hirundine cū retibus per aera portabatur, quæ res mōnet, nobis onera uiribus nostris imparia nō esse subeunda. Huc pertinent fabulæ, quæ & ipsæ sunt res fictæ, ut de Phaetōte scribunt Poetæ; quo quidem exemplo monemur, ma-
iora

iora uiribus non esse aggredienda.

Argumentum est res ficta, quæ tamen fieri potuit: ut Cremes apud Terentium, qui timebat Nausiftratam uxorem, quo argumento docemur, uxorem ditiozem, aut nobiliozem non uxorem esse, sed heram.

Apophthegmata sunt scitè dicta: vt Seneca interrogatus, quis nobilissimus esset, respōdit: circulus quantò magis circulus est, tantò nobilior est, nec interest, aureusne sit, an argenteus, & norma fabri cæmentarii quantò rector, non quantò pretiosior est, tantò est nobilior. Sic homo, quantò magis secundum rationem uiuit, tantò nobilitate pollet.

Similitudo autem multis modis claudicat natura, proprio, tempore, loco, causa, persona.

Natura, ut homo uoluptati operam non det, quoniam & bruta: sed homo ratione gubernatur, qua voluptates euitare debet: bruta uerò animalia rationis sunt expertia.

Proprio. Infit iuuentuti seueritas, quoniam & senibus, at iucunditas propria est iuuentutis: seueritas uerò senibus conuenit.

Tempore. Cato, inuecto frumento in urbem, præmium reportauit: sic & ego, qui frumentum in Urbem inuexi præmio affici debeo.

Sed

Sed Cato tempore calamitatis : tu verò tempore vbertatis frumentū inuehendū curasti. Loco. Eadem pœna plectatur Ajax, qua & Paris: immò Ajax maiori pœna dignus censetur: in templo enim errauit.

Causa idem supplicium irrogetur in Vlysssem, quod etiam in Dolonem : ambo enim ad hostes transfugerunt : At Vlysses non proditiōnis, sed explorandi gratia hostes adiit.

Persona. Retineat Marius Imperium, quoniam & Scipio. At Scipio vir bonus erat, Marius verò ambitiosus.

Dissimilia igitur hæc sunt: & hi erunt loci à dissimili, qui sunt sex.

DE

DE CONTRARIIS.

Opposi-
torū qua-
tuor sunt
genera.

Contraria sunt
duę qualitates
quę non pos-
sunt simul cō-
sistere, & semu-
tū perimūt,
quorū vtrum
que existit in
rerum natura.
Et hæc sunt.

Mediata, quorū altero po-
sito, tollitur alterū, vt est
calidū: ergo nec frigidū,
nec tepidum.

Immediata: in quibus affir-
matiue, & negatiue pos-
sumus argumentari, vt est
sanus, ergo non est ægro-
tus: non est sanus, ergo
ægotus.

Relatiua sunt, quę mutuā sibi essentiā submi-
nistrant, & ambo eodem tempore in rerum
natura existunt, vt pater, filius, seruus, & do-
minus: & in his posito vno, ponitur alterum,
vt pater est, ergo filius: negato vno, negatur
& alterum, vt iste non habet seruos; ergo
non est dominus.

Priuantia, seu priua-
tio est ab-
sētia rei,
quę ad ef-
fectu potest
subie-
ctis: & hæc
sunt.

Perfecta; id est quę tota simul con-
ficiunt, vt lux, & tenebrę, in his
vno affirmato, alterū negatur,
vt est lux, ergo non tenebrę, &
altero negato, alterum affirma-
tur, vt non est lux, ergo sunt te-
nebrę.

Imperfecta, in quibus altero po-
sito, tollitur alterum, ut cæcus
est, ergo nō uidet, sed negato,
altero, non ponitur alterum, ut
non uidet, ergo cæcus est: hoc
falsum est: catuli enim intra no-
uē dies non vident, tamen
cæci non sunt.

Contradictoria, seu contradictio est oratio

affirmans, & negans de eodem subiecto, eodem tempore, & quæ nunquam simul vera esse possunt, sed si alterum uerum est, alterum falsum sit, necesse est, ut Socrates sedet, ergo falsum est, Socratem non sedere.

De Antecedentibus.

ANTECEDENTIA sunt, aut necessaria, aut probabilia, necessaria sunt talia, ut natus est, ergo morietur, in his argumētamur affirmatiuè, & negatiuè, ut aurora est, ergo Sol prope adest: non est aurora, ergo Sol non prope adest.

Probabilia sunt; vt morbus, curatio, dolor, & cōsolatio, peccatum, & remissio, pugna, & uictoria, cōcubitus, & partus, diligere, & benefacere, periculū, & liberatio, & similia. Et in his negatiuè argumentamur. Vt nō tenetur morbo, ergo non eget curatione.

De Consequentibus.

A Consequentibus affirmando argumentamur, vt curatus est, ergo morbo tenebatur; peperit, ergo concubuit. Sol adest, ergo aurora præcelsit. Christus resurrexit, ergo mortuus erat. Christus seruauit nos, ergo mortui eramus.

De Causis.

CAUSA est, quæ parit effectum.

Remota causa, remouetur effectus, vt non discit

feit, ergo doctus non euadet. *discentis*
 Causarum quatuor sunt genera, alia est efficiens, alia materialis, alia formalis, alia finalis.

A Causa efficiente.

CAUSA efficiens est id, a quo aliquid fit.
 Sublata causa efficiente, tollitur effectus, vt,
 Nullus est artifex, ergo domus non erigetur,
 Nullus est præceptor, ergo quomodo discunt
 pueri? Nulla lucet in te virtus, quomodo er-
 go postulas honorari? Non seminasti, ergo
 non est, cur metas.
 Item si bona est causa efficiens, bonos producit
 effectus. Arbor bona, bonos fructus facit.

A Causa materiali.

CAUSA materialis est, ex qua aliquid fit.
 Remota materia, remouetur & forma, vt non
 est metallum, ergo bombardas non confla-
 bunt artifices: Angeli non sunt compositi ex
 elementis, ergo non habent corpora. Non
 sunt ligna, quomodo ergo nauim, vel ignem
 extruemus?

A Causa formali.

FORMA est, quæ materiam informat, & figurat,
 vel est id, cuius merito res est, & appellatur,

vel forma est, propter quā res est, & appellatur, & cognoscitur, ut stellæ non habent animam, seu mentem, ergo non ratiocinantur, lapis nullam habet animam, non est igitur animal.

A Causa finali.

FINIS est, cuius gratia aliquid fit. Cuius finis est bonus, ipsum quoque est bonum, ut matrimonium est bonum: nam finis est bonus: inuentum est enim ad euitanda stupra: Emen-
datio est bona, quia est cognitio. Huc per-
tinent destinata, ut bona est pecunia, quia
ad vsum pauperum est inuenta: Item licet
circumferre gladium, quia licita est defensio
sui.

Cognito fine, statuimus de mediis, ut homo
natus est ad intelligendum verum, & ad bene
viuendum: igitur discat oportet, igitur assue-
scat honestis actionibus.

Duo impellunt ad agendum.	{	Adeptio bonorum, quæ sunt,	{	Vtile. Honestum. Iucundum.
		Euitatio malorū, quæ sunt.	{	Damnosum. Turpe. Molestum.

Duo

Duo deterrent
 ab agendo.

{	Amissio bonorū,	{	Vtile.	
	quæ sunt.		Honestum.	
{	Incurtio malorū,	{	Iucundum.	
			quæ sunt.	Damnosum.
				Turpe.
			Iniucundum.	

Argumentamur affirmatiuè, & negatiuè in causa finali, vt Clodius utilitatē sperabat ex morte Milonis, ergo insidias struxit; Milo nullam utilitatem sperabat, ergo non insidiatus est.

Ab Effectis.

EFFECTVS est, qui nascitur ex causa; ut gloria nascitur à uirtute.

Posito effectū unius causæ, necesse est, causam esse, aut fuisse tam in necessariis, quàm in probabilibus; ut dies est, ergo sol est super terrā; Peperit, ergo concubuit: doctus est, ergo didicit; domus est, ergo fuit architectus; Extant opera Platonis, ergo Plato fuit; stuprauit, ergo amabat.

Si effectus dicitur ex multis causis, tunc non ualet argumentatio affirmatiua: non enim licet argumentari in hunc modum: Lux est, ergo dies est, quia faces, & fulgura possunt lucem parere; sed negatiuè argumentum ualet, sublato

lato enim effectu, tolluntur omnes causæ, ut plurimum; ut lux non est, ergo nec dies, nec faces accensæ sunt, nec fulgura, tametsi hoc perpetuum non est;

Ab Adiunctis.

ADIVNCTVM est, quod rei adhæret, aut semper, aut plerunque; ut adolescentiæ libido adhæret, diuiti superbia, seni, auaritia: mulieri inconstantia: cauponi perfidia: nautæ audacia: licet ergo argumertari: Pamphilus est adolescens, ergo libidinosus: Cæsar est senex, ergo auarus: Cui enim conuenit unum adiunctorum, eidem conuenit & alterum.

Adiuncta sunt octo, Natio, & patria, ut hic Græcus est, ergo leuis: Cretensis est: ergo mendax, Poenus: ergo perfidus.

Genus, & parentes, ut sæpe solet similis filius esse patri, quia sæpe similitudo patris elucet in filio, & paterna vitia plerumq; abeunt in sobolem, ut audacissimi patris audacissimus filius: ut in prouerbio est κακοῦ κόρακος κακὸν αἶον
Nam fortes, fortibus creantur: nec generant aquilæ columbas: & in iuuenis, & in equis est patria virtus.

Sexus, ut mulier est, ergo credula, & incōstans, Virgilius: variū, & mutabile semper fœmina.

Actas

Aetas: iuuenis est, ergo robustus, ergo audax, senex est, ergo meticulosus; ergo auarus: de quibus videndus est Aristoteles libro primo Rhetor.

Educatio: molliter educatus est, ergo mollis: est honestissimè educatus, ergo honestè viuet, nullum habuit emendatorem in pueritia, ergo licentiosus est.

Studia: Philosophus est, ergo male de Deo sentit: Iureconsultus est, ergo cauillator: Et hæc à scientiis sumuntur: ab artibus verò, vt miles est, ergo impavidus, caupo est, ergo perfidus.

Habitus, corporis, & animi, vt imbecillis est, ergo non potuit occidere: formosus est, ergo ad amandum impulit: imprudens est, ergo peccauit: ingeniosus est, ergo discere poterit.

Fortuna, pauper est, ergo humilis: diues est, ergo superbus: videndus est Aristot. de moribus diuitum libro primo Rhetor.

A minori.

Argumentum à minori, hoc est à minus uerissimili ualet ad affirmandum, vt, si adulterii causa Troia excisa est, & Tarquinius superbus è regno eiectus est, ergo multò magis priuatus hic adulter puniendus est.

A Ma.

A' Maiori.
 Argumentum à maiori, id est à faciliori, vt hic non alit patrem, ergo minus alienum: hic non fert contumeliam pro Christo, ergo multò minus uitam profundet; & quia oratores non modo probant, aliquid esse bonum, & vtile, sed de duobus bonis utrum melius, & vtilius: Ideo de infradietis locis, quibus hoc probant, nobis est agendum.

A' Tempore.
 Diuturniora sunt præstantiora, vt regnum est præstātius cōsulatu, magis est enim diuturnū.

A' Loco.
 Latiora sunt præstantiora; vt præstantius est seruare prouinciam, quàm urbem: Item fortitudo præstantior est Temperantia: nam qui temperans est, sibi temperans est: fortis verò, & sibi, & aliis.

A' Subiecto.
 Subiectum est illud cui res altera innititur: quorum præstantius est subiectum, illa sunt præstantiora, vt, pileus præstātior est calceo, quia caput est nobilius pede, sic pileorum artifex præstantior est calcæario.

A' Causa.
 Quorum causa præstantior est, illa sunt digniora,

ra, vt vincendi se ipsum causa est sapientia, & consilium, vincēdi hostes causa est fortuna, ergo victoria sui ipsius præstantior est victoriis bellicis.

Ab Effectu.

Quorum effectus præstantior est, illa sunt nobiliora, vt scientia præstantior est venatione, illa enim absoluit animum; sed venatio bene constitutum reddit corpus.

A Fine.

Quorum finis est præstantior, illa sunt præstantiora, vt finis rectæ educationis est virtus: finis vero dietæ est sanitas. Item finis iustitiæ est publica salus, finis temperantiæ est priuata salus.

Finis præstantior est, quàm instrumenta, quæ ducunt ad finem: vt sanitas præstantior est exercitatione, nam exercitatio fit causa sanitatis.

Difficiliora sunt præstantiora, vt seipsum uincere est præstantius, quàm uincere hostes.

Item præstantiora sunt ea, propter quæ alia sunt in pretio, vt virtus est præstantior, quàm gloria, quia meritò virtutis fit, vt gloria sit in pretio, Nam tolle virtutem, nulla erit gloria.

Præstantius est, quod per se expetitur, quàm propter aliud; vt honor præstantior est diuitiis, ea enim propter aliud expetuntur: honor verò

I propter

propter se desideratur.

Et hi sunt loci, quos a libet orator ad probandum, aliquid aliqua re esse præstantius.

Signo.

SIGNVM est nota rei, quæ sensu percipitur: Vel signum est, quod sub aliquem sensum cadit: Vel indicium, aut vestigium quoddam, per quod alia res intelligitur, ut ex lacte manante ex vberibus probatur, mulierem cum viro concubuisse; sub sensum cadit, id est sub quinque sensus, qui quidem sunt hi, visus, ut cicatricem video, ergo vulnus fuit, auditus, ut campana obtusum reddit sonum, ergo est fracta. Gustus, ut acrimoniam habet vinum, ergo abiit in acetum: odoratus, ut male olet caro, ergo putredo subest. Tactus, ut nullus motus est in arteriis, ergo vis cordis prostrata est.

Signa duplicia sunt, alia necessaria, alia probabilia; necessaria ut magna vis ventorum in mare incubuit, ergo magna tempestas est; probabilia sunt, quæ ut plurimum vera sunt, ut respersa erat cruore vestis, ergo occidit: Et hæc sunt triplicia, alia sunt antecedentia, alia adiuncta, alia consequentia: Antecedentia, ut verborum contentio præcedit cædem, item ensenuacuendum curasti, minatus fueras, inimicus

eras,

eras, ergo occidisti: homo nascitur inermis, & nudus, ergo non ad bellum: Adiuncta sumuntur ex loco, & tempore, vt Clodius de loco superiore impetum fecit in Milonem, ergo insidiatus est, item vespere, vt cædes celari, & ignorari possent. Consequentia, vt interrogatus de cæde expalluisti, lingua titubabat, gladius cruentatus erat, ergo occidisti.

A Loco.

Locus subministrat nobis materiã multiplicẽ:

Quæstio enim coniecturalis à loco probatur, vt Roscius non erat Romæ, vbi pater occisus est, ergo non occidit, nemo enim eodem tempore in pluribus locis esse potest.

Præstantissimæ rei præstantissimus locus est attribuendus: Deus est præstantissimus omnium rerum: ergo in præstantissimo loco habitat, id est in cælo: Nō pugnandū cum equite in hoc loco, quia planus est: versatur in lupanari, ergo amat: quid faceres domi tuæ, qui tam insolens es alienæ? Clodius de loco superiori impetum fecit, ergo insidiatus est.

Quæstio etiam definitiua à loco probatur: delictum enim pro ratione loci variatur, vt rem de loco sacro abstulisti, ergo non furtum, sed

sacrilegium commisisti.

Quæstio qualitatis à loco probatur, vt timor Ciceronis iustus est: quia insolita ferri facies insolita erat, dispositis vbique armatis militibus, turpis hæc negotiatio, quia in templo fit, turpe Antonii factum: nam in æde Cōcordiæ armatos disponebat: itē res à loco amplificatur, quomodo autem amplificetur, videbimus in de amplificationibus.

À Tempore.

VARIAM etiam probandi facultatem tempus nobis subministrat.

Temporis autē duæ sunt partes, alia substantialis, alia Accidentalis, partes temporis substantiales sunt annus, mensis, hebdomas, æstas, autumnus, ver, hiems, dies, hora, & momenta, dicuntur autem substantiales, quia, si remoueantur, tempus non subsistet, id est mancum erit & imperfectum, vt, si aliquot dies detraxeris à mense, non erit mensis, sicut si parietes à domo detraxeris, non erit amplius domus. Accidentales, vel fortuitæ temporis partes sunt, vt nuptiæ, ludi, conuiuia, funera, quæ tamen si demas ab anni spatio, annus tamen erit mensis erit mensis, sicut si color à manu, vel à domo remoueatur, domus tamen, & manus in suo ge-

nerē

nere semper persistēt.

Argumenta sumuntur à partibus temporis substantialibus, & accidentariis, vt prudens est, quia diu vixit: oportet te abundare præceptis philosophicis, quia annum iam audis Cratippum: hic dies, vel ætas alios mores postulat: cum non sis puer: non igitur puerorum more amplius tibi est uiuendum. Paulus, tempus breue est, quasi dicat, quid iuuat congerere, quæ sis breui relicturus? nõ stertendum est in lectulo, quia dies est, alia alio tempore decent, ac dedecent, vt ludus, ac ioci tempore bacchanali decent, quæ res tamen quadragesimali tempore non permittuntur. Socrates: mane consilium, vesperi conuiuium. Solomon, uchi ciuitati, cuius princeps mane comedit, id est tunc epulatur, cum de consilio, ac utilitate ciuium, non de propria voluptate est cogitandum. Hinc Horatius in odis suis, cum irridebat, qui æstiuo tempore penula utebatur, hiemali vero campestre indumentum adhibebat, non cogendi agricolæ in urbem: quia uindemiæ sunt.

A tempore rem aliquam amplificamus, quomodo autem, infra videbimus

Ab occasione.

OCCASIO est illud ipsum tempus ad aliqui agendum, illud ipsum, id est aptissimū, & præstantissimum, quod agenti viam præbet, ut amanti tenebræ sunt occasio: hinc prouerbiū occasio facit furem: Hinc ponuntur argumenta à possibili, ut occasionem habes, qua melior nulla reperietur, ergo facillimè poteris Trebati, ditescere.

De Modo actionis.

INVITVS discit, ergo non habet animum propensum ad litteras, magna cum celeritate comedit, ergo uoracitatis vitio laborat, clam introiuit in urbem, ergo de vrbe prodenda cogitat, imprudenter verberaui, ergo non sum puniendus: Cicero partes Pompeianas in bello ciuili, desperatis iam rebus Pompeii, est secutus, ergo nō regni cupiditate inductus hoc fecit, Christus palam docebat, ergo non de seducendo Populo cogitabat, iratus feci, ergo excusandus.

Et hæc de modo actionis, ac cæteris locis communibus argumentorum breuiter dicta sunt: nunc quomodo vitiosæ argumentationes à veris dignoscantur, reliquum est, ut videamus.

Ut Definitio.

SI nonnulli loco à definitione, quæ vera non sit definitio, vtantur, repellenda est argumentatio, vt Picus argumentabatur in hunc modum, nullus fucus decet Philosophum, eloquentia est fucus, ergo eloquentia non decet Philosophum, falsa est definitio eloquentiæ, quæ non est inanis quidam verborum ornatus, sed est ars, quæ aptè, distinctè, & ornatè exprimit mentis sententiam, & ideo conuenit Philosophis, & cæteris viris eruditis.

Item Philosophus est cognitor rerum humanarum; & diuinarum, Aristoteles est Philosophus, ergo Aristoteles erat cognitor rerum diuinarum, & humanarum, falsa est definitio Philosophi: nihil enim certi habuit Aristotelis de animorum interitu, & de eorum immortalitate, nec de mundi æternitate: Philosophia enim est cognitio rerum humanarum, quatenus humana actio assequi potest.

Ut Contrarium.

VINUM est bonum, ergo aqua mala, nego hoc esse contrarium, nam si essentia contraria, alterum ab altero distraheretur, vt frigus manuum ab ignis calore pellitur, & hæc sunt contraria
non

non illa, aqua enim, & vinum simul esse possunt.

Vt Simile.

UT dicebat Epicurus homo voluptati opera m det, quoniam & bruta. At hæc nō sunt similia, homo enim rationis non est expers, bruta verò protinus ratione carent, & de his vide latius supra in loco à simili, quo modo similitudo claudicat.

Vt Dissimile.

REPREHENDEBATUR Sylla propter crudelitatem, ille verò dicebat, se uti seueritate, at differunt crudelitas, & seueritas, dicebant Romani, crudelitas enim punit innoxios: seueritas verò noxios plectit, tu innocentes plectis, ergo hæc tua appellāda est crudelitas, non seueritas.

À Consentaneis.

ATTICVS diues, ergo superbus, at doctrina fieri potuit moderatio.

Vt dissentaneum, id est repugnans.

Petrus cruciatur in carcere, ergo improbus est, immo uiri boni plerūq; incidūt in calamitatē.

Vt Adiunctum.

QUI amat, ille non uerberat; immo qui parcit baculo odit filium.

Quasi pugnancia.

Si bona est uirginitas, ergo matrimonium malum: imò res ambæ à Deo approbatæ sunt: nã de uirgine nasci uoluit, & nuptias præsentia sua honestauit, ergo ambæ res sunt bonæ: sed bonorum aliud alio melius: ita uende omnia quæ habes, & habebis thesaurum in cœlo, ergo qui non uendit non habebit thesaurum in cœlo, ista argumentatio est falsa: nam uenditio, & possessio diuitiarum ambæ sunt bonæ, sed uenditio est melior, nam multi diuites, ut Abraham, & Dauid possederunt diuitias in hoc mundo, & habent thesaurum in cœlo.

Vi Causa.

Quod mentem corrumpit, est malum: vinum corrumpit, ergo vinum malum est, tu argumentaris à non causa: nam qui intemperanter bibit, ille est causa suæ ebrietatis, non autem vinum.

Vi Effectus.

DOCTRINA, parit hæreses, ergo mala: respondeo: hoc non prouenit vitio doctrinæ, sed culpa abutentis, sic eloquentia est bona, si bonum nata fuerit possessorem.

Ut Distributio.

PECCATUR in distributione, ut aut animal est bipes, aut quadrupes, piscis nō est quadrupes, nec bipes, ergo non est animal: respondeo, māca est distributio, ut poticui membrum consideratur: integra enim distributio esset huiusmodi, omne animal, aut est bipes, aut quadrupes, aut sine pedibus, piscis est apes, ergo est animal.

Peccatur etiam in distributione in genere hoc modo, verecundia est laudabilis, quia virtus, nego, virtutem esse genus verecundiæ, quæ si esset uirtus, habitus, hoc est quid permanens esset: sed verecundia est rubor citò euanescentes, ergo non est virtus. Peccatur etiam in diuisione in specie, licet vlcisci stuprum concubinae illatum, quia licet pœnam sumere de stupro matris familias illato: & quod i una specie licet, in alia licet: nego, concubinam esse speciem vxoris, una est enim vxor, præsertim apud Christianos. Peccatur in distributione in primordiis rerum, & præcurrentibus, id est in antecedentibus, ut Palamedes dicitur misisse litteras ad Priamum, ergo molitur prodicionē: at poterat scribere litteras de componēda pace, ergo falsum est illud antecedens.

Vidimus, quo pacto dignoscere possimus, quando distributio peccet, nunc uerò, ut generalē de hac doctrinam tradamus, plenē, & exactē hanc materiam tractemus initium sumendo à definitione.

Diuisio est generis in species distractio, ut animalium aliud uolatile, aliud terrestre, aliud aquatile, nauium alia triremis, alia biremis, alia quadriremis.

Partitio est totius in partes sectio, ut homo constat ex anima, & corpore.

Distributio accidentis in subiecta, ut bonorum aliud est animi, aliud corporis, aliud fortunæ.

tribu-
subie-
n ac-
entia.

Hominū alii magni, alii parui. A' quātitate.

Hominum alii boni, alii mali. A' qualitate.

Hominum alius pater, alius filius, alius seruus, alius liber. A' relationes

Hominum alii sani, alii ægroti. A' contrariis.

Hominū alii cæci, alii uident. A' priuantia.

Animalium alia ingrediuntur, alia serpunt, alia natant, alia uolant. (bus. Ab actione

Reorum alii cruci affiguntur, alii suspēduntur, alii obtruncātur, alii demerguntur. A' passione.

Florum alii hiberni, alii uerni, alii

- æstiuī, alii autumnales. A' tempore
 Animalium alia terrestria, alia ma-
 ritima, alia aëria. A' loco.
 Hominum alii sedent, alii cubant,
 alii stant. A' situ.
 Hominum alii palliati, alii togati. Ab habitu.
 Omnis calor aut à sole, aut
 ab igne. Ex efficientibus.
 Bonorum aliud ad utēdum, aliud
 ad fruendū pertinet. A' fine.
 Litteræ pinguntur, aut Calamo,
 aut arundine, aut carbone, aut
 stylo. Ab instrumento.
 Leges diuisionis sunt tres: in diuisione nihil de-
 fit, ut animalium aliud bipes, aliud quadrupes:
 in hac diuisione deest membrum unum, siue
 pars una, idest sine pedibus.
 Item in diuisione nihil supersit, ut animalium
 alia uiuunt, alia extincta sunt: hic superest a-
 liud membrum, quæ enim extincta sunt, non
 sunt animalia.
 Item in diuisione membra sint opposita, ut ho-
 minū alii sani, alii ægroti: uel diuersa, ut colo-
 rū alius cœruleus, alius niger, alius albus, alius
 croceus: & hæc de diuisione satis dicta sunt:
 Nunc ad reliquas falsas argumentationes
 properemus,

Vi Maiora.

PECCATVR & in hoc, vt non licet Iudici contra leges pronuntiare, ergo nec arbitro: imò arbitrer potest vel in vno die litem dirimere, etiam si non seruauerit iuris solemnia.

Vi Par.

VNVS paterfamilias satis est ad familiam regendam, quia & vna vxor. Præceptor nec non & vnus satis est ad multos erudiendos. Dispar hoc est, quia paterfamilias non potest vnus tam multis domesticis regendis par esse.

Vi Minus.

STELLIONATVS rei puniuntur, ergo & fures puniantur, id est at stellionatus rei aliquando puniuntur.

Collatio naturarum, id est artium.

VT scit fabrilia, ergo faber est, scit astrologica, ergo astrologus, sic Alcibiades scit iusta, ergo iustus est: hæc non similia, seu collationes: qui enim hoc pacto argumentatur ab insufficienti enumeratione causarum argumētatur: nam iustitiæ causæ sunt cognitio, & voluntas; qui enim scit, & vult iusta, ille iustus est, non qui tantum iusta cognoscit: sic de liberalitate, etiam

etiam si quis sciat, quid cui sit dandum; nisi tamen voluntas eius propendeat ad liberalitatem, non dicetur liberalis: huc respexit Paulus dicens, hilarem datorem diligit Deus, at artifex si inuitus imaginem formet, tamen scierit rectè formare, statuarius nihilo minus appellabitur.

DE LOCIS PROPRIIS ORATORIS.

EXPLICATIS iam locis communibus, nunc res postulat, ut de locis propriis oratoriæ facultatis agamus, qui quidem sunt undecim; Honestum, utile, iucundum, possibile, facile, necessarium, superuacuum, iustum, absurdum, verisimile, ac tutum.

De Honesto.

HONESTVM est illud, quod per se expetitur, etiam si nullam inde utilitatem cōsequamur, ut doctrina, & gloria sunt honesta, eas enim appetimus, etiam si nullam vel utilitatem, vel voluptatem speremus.

Honestum est, cuius causa efficiens est honesta ut matrimonium est honestum, cuius auctor fuit Deus, & natura.

Honc-

Honestum est, cuius finis est honestus, ut matrimonium, eius enim finis est procreatio sobolis, quæ quidem maximè honesta est.

Honestum est, cuius contrarium est turpe, ut uirtus est honesta, quia uitium quod uirtuti repugnat, turpe est.

Honestum est, cuius effectus est honestus, ut sobrietas est honesta, quia castitatem parit.

Honestum est, cuius simile est honestum, ut superare inimicos, & suo imperio subiicere honestum est, sic superare affectus, & rationi subiicere honestum est.

Honestum est, cuius coniugatum est honestum, ut iuste uiuere honestum est, quia iustitia est honesta.

Honestum est, quod fit exemplo bonorum: ut tueri patriam honestum est: quia multi uiri boni hoc fecerunt.

Honestum est id, quo leuior res est honesta: ut tueri ciuē honestum est, ergo & tueri patrē.

De Vili.

VTILE est, quo utimur ad bonum prosequendū, uel quod propter aliud expetitur, ut pecunia utilis est, eā enim ad alia bona assequenda tanquam instrumentum adhibemus.

Vile

Vile

Vtile est, quod naturam sustentat: ut panis, & domus, quibus ad vitam alendam, & sustentandam utimur.

Vtile est, cuius contrarium est damnosum: ut exercitatio utilis est, quia otium ualde est damnosum.

Vtile est, cuius effectus est utilis, ut exercitatio est utilis: quia parit sanitatem.

Vtile est, cuius finis est utilis, ut labor litterarius est utilis, quia doctrinae causa suscipitur.

Vtile est id, quo res leuior est utilis: ut, si mercatura est utilis, ergo & doctrina.

Vtile est, cuius simile est utile, ut, si sanitas, id est consonantia humorum est utilis, & consonantia chordarum in lyra, sic & concordia ciuium maximè est utilis.

Vtile est, cuius coniugatū est utile, ut docere utile est, quia doctrina est utilis.

Vtile est, quod de duobus malis leuius est, ut, si incidās in latrones, leuius malum est pecuniae iacturam facere, quàm uitae.

Vtile est, quod pellit malum, ut medicina est utilis, quia pellit morbum.

Vtile est, quod fit exemplo bonorum: ut utile est versari in litteris: quia Socrates, Plato, & alii Philosophi nunquā eis operam dedissent,

nisi

nisi vtilitatem aliquam inde esse percepturos
existimassent.

De Iucundo.

Iucundum est, quod vel animū, uel corpus exhi-
larat: ut lectio historiarum iucunda est, animū
enim exhilarat: cōdinēta omnia iucūda sunt,
ea enim corpus oblectant.

Iucundum est, quod est secundum naturam: ut
cibus, somnus, potus famelico, & sitiēti, & ei,
qui multum euigilauerit.

Iucundum est, quod assuetū est, ut si quis assue-
tus fuerit studiis litterarum, hic vitam iucun-
dam ducet in studiis.

Iucundum est adeptio eius rei, cuius cupiditas
nobis inest, cupit quis puellam, vel scientiam,
sic eam si assequitur, iucunditate magna
perfruitur.

Iucundum est, quod est uariū: ut uarietas cibo-
rum, auctorum, regionum, nam uarietas est
mater delectationis.

Iucundum est omne, quod est rarum: nam om-
ne rarum est præclarum, & quæ passim obuia,
uilia sunt, ut aqua, & ferrum, non autem au-
rum, & argentum.

Iucundum est, quod est nouum; ut Ouidius te-
statur dicens: Est quoque cunctarum nouitas

gratissima rerum. *hinc nuncupatio morum illius die*
 Iucundum est laudari, uincere, discere, admirationi esse.

Iucunda sunt, quæ nobis similia sunt, puer puerulo iucundus est, doctus docto, & omne simile simili delectatur.

Iucunda sunt, sua cuique, ut epistola suo Marte composita cuique iucunda est.

De Possibili.
 POSSIBILE est, quod potest fieri, & quod potest non fieri; ut iuuenem mori possibile est: potest enim mori, & potest non mori.

Possibile est, cuius instrumenta, uel causæ efficientes, aut adiuuantes sunt in nostra manu: ut an possibile tibi sit disciplinam comparare, uide, an disciplinæ causæ sint in te, ut ingenium, libri, doctor, labor, uoluntas, tempus; si hæc omnia erunt in te, possibile quidem erit tibi disciplinam assequi.

Possibile est, ad quod natura propensi sumus: ut sciētiam assequi, parare sibi fœlicitatem: nam unusquisque illam appetit.

Possibile est aliquid, cum loci, & temporis occasio parata sit: ut possibile fuit Vlysi Aiace interficere, nam temporis, & loci opportunitatem paratam habuit.

Possibi-

Possibile est id, cuius maius est possibile: vt expugnare urbem possibile est, ergo & pagū.

Possibile est, cuius contrarium est possibile: vt possibile est amare, ergo & odisse possibile est: possibile est loqui, ergo & tacere.

Possibile est, cuius simile est possibile, vt possibile est temperantem esse, ergo & iustum.

De Facili.

FACILE est, qui sine magno sumptu, magno labore, & breui temporis spacio cōfici potest.

Facile est id, ad quod cōficiendū parata sunt instrumenta, materia, locus, tempus, & causa efficiens, vt fabricare domum facile, cum omnia ea, quæ ad domum cōficiendam pertinent, parata sint.

Facile est, quod citra molestiam fit, ergo difficile est, quod adiunctam habet molestiam, & quod non opportuno tempore fit.

Facile est id, quod, nemine impediēte, fit.

De Necessario.

NECESSARIUM est illud, sine quo liberi, saluiq; esse non possumus, vt incenia sunt necessaria ciuitati: nam sine eis salua ciuitas esse non posset: item leges sunt necessariae.

Necessarium est, quo carere non possumus, vel quo vix carere possumus, vt victus, vestes,

redes, res familiares, leges, magistratus, labor,
& somnus; sine iis enim vivere non possumus,
vel vix vivere possumus.

Necessarium est id, quo remoto, turpiter, & mi-
serè viveremus; ut coniuges, filii, libertas,
pudicitia, honor, patria, religio, doctrina:
nam, uxore, & filiis in servitutem abductis, mi-
serè vivimus: item, sublata patria, & doctrina,
miseram vitam ducimus.

De Tuto.
TUTUM est, quod rem familiarem, & incolumi-
tatem tuetur, atque conservat, ut arx est tuta.

Tutum est, quod periculum repellit.

De Iusto.
IUSTUM est, quod suscipitur naturali lege, vel
scripta; leges naturales sunt sententiae, quasi
natura hominum, animis insculpsit, ut nemi-
nem laedendum esse, magistratibus esse ob-
temperandum, parentibus, & praceptoribus
inseviendum.

Leges scriptae sunt, quarum finis est poena: qua
rum violatio poenam affert; sed legum natu-
ralium violatio dedecus parit.

Iustum est, quod consuetudini responder, ut
apud quosdam populos si quis emat fundum,
irrequisito vicino, legem consuetudinis vio-
lat,

lat, & ideo iniustus est, qui verò consuetudinem seruat, iustus est.

Iustum est, quod Iudices respondēt, ut iustus est

Iudex, qui parricidam punit eadem pœna, qua alii Iudices puniendum censuerunt.

Iustum est, quod respondet pacto, ut dabo tibi pecuniam, si naus ex Asia uenerit.

Iustum est, quod æquitati respondet, ut benigni iuris interpretatio, ut si quis cum ferro noctu deprehendatur, supplicio mulctetur, deprehensus est aliquis cum gladiolo, ergo puniatur, imò benigne interpretanda est lex, quæ non quodlibet ferrum prohibet, sed noxium tantum.

De Absurdo.

ABSURDUM est, quod cum communi sensu pugnat, aut cum vniuersali experientia, ut anima est mortalis, si quis enim hoc affirmaret, facile refelli potest hoc modo, si anima est mortalis, ergo Deus iniustus est, qui malos in hac uitâ non punit, nec in futura: consequens est absurdum, nemo enim dicere audebit, Deum iniustum esse, ergo & antecedens. Item omnis voluptas est bona, ut dicebat Epicurus, cuius opinio hoc pacto refellitur: si omnis voluptas est bona, ergo adulteria, & stupra, & quæcunque libidines

libidines essent bonæ, consequens est absurdum, ergo & antecedens.

De Verisimili.

VERISIMILE est, quod personis, temporibus, & locis consonat.

Verisimile est, quod cum hominum opinione, cum lege, more, & religione consentit: ut verisimile est, Clodium insidiatum esse Miloni, à persona, quia audax, & furiosus: item quia ante fundum suum: item uesperis, quo tempore celari potuisset crimen.

De Superuacuo.

SUPERVACVVM est, quod nullā parit honestatem, utilitatem, aut uoluptatem, ut si imperitus eruditum hominem doceat, & sus (quod aiunt) Mineruam.

Superuacuum est, quod cum gestum sit, explicatum, aut absolutum, iterum suscipitur, idque inutiliter, ut, etsi parata erat mensa, & bene parata, tu tamen ex mensa detrahis mappam, & iterum internis, non ne tuus labor irritus est, & superuacuus? sic Sinon ille Virgilianus, Sed quid ego hæc? si omnes vno ordine habetis Achiuos? Huc pertinet illud, Noctuas Athenas mitto: Aethiopem dealbas, & aquam mari addis. Cicero: quid ego ad te hæc scribo, cuius

cuius domi nascuntur? Et hi sunt loci proprii,
& his contrarii.

Et hi sunt loci proprii, & communes, quos adhibet orator ad aliquid probandum.

Et quia hos locos, de quibus supra vidimus, variis modis adhibet orator, ideo res postulat, ut de multiplici argumentandi modo agamus.

Septem enim sunt species argumentationum
Syllogismus, enthymema, inductio, exemplum, dilemma, inuersio, & sorites.

Syllogismus est argumentatio, siue oratio constans ex maiori, & minori propositione, & conclusione, ut

Omnis virtus moderatrix voluptatum corporarum est honesta:

Temperantia est moderatrix voluptatum, &c.
ergo temperantia est honesta.

Enthymema est mutilatus Syllogismus, à quo, uel maior propositio, uel minor propositio adempta est, ut

Omnis insidiator iure occiditur, ergo Clodius iure occisus est, hic minor propositio desideratur. Item iustitia unicuique suum quod est reddit, ergo est honesta: hic maior propositio desideratur.

Inductio est congeries exemplorum, ut Pisistratus,

tus tyrannus infelicem habuit exitum, sic Phalaris, sic Dionysius, sic Iulius Cæsar, ergo & alii tyranni infeliciter ex hac uita migrabunt. Exemplum est mutilata inductio, ut non est Hyeme nauigandum, nam Dion hyemena nauigare volens submersus est.

Dilemma est argumentum cornutum utrinque feriens aduersarios, ut litteræ tibi discendæ sunt: nam si diues es, te ornabunt, si pauper, te alent.

Inuersio est argumentum, quod Græci *ἐναντιλογία* appellant: pro aduersario facere videtur, quod tamen contra eum inuertitur, & retorquetur: ut, si quis filius dicat, tu me odisti, quia me verberas, imò quia te verbero, non odi: nam qui parcit baculo, odit filium.

Sorites est coaceruatio propositionum, & prædicatio primæ propositionis fit subiectum secundæ propositionis, verumtamen à primo ad vltimum fit connexio, modo tamen propositiones sint necessariæ, ut

Omnis homo est animal.

Omne animal est corpus.

Omne corpus est substantia, ergo, nihil est substantia.

Omnis homo est substantia.

Item, Temperantia est virtus.

Virtus

Virtus est habitus.

Habitus est qualitas, ergo

Temperantia est qualitas: à primo ad vltimū.

Et hæc de modis argumentandi dicta sunt.

Et quia orator non tantum aliquid probat; uerum etiā rē amplificat (amplificatio enim magnam uim habet ad aliquid persuadendum.) ideo non immerito de subtili, ac eleganti amplificationum materia agamus.

Amplificare est rem amplam facere.

Amplificare est rem ita explicare, ut maior appareat.

Amplificatio est vehemens argumētatio, quæ, proposita peccati magnitudine, vel atrocitate, iracundiam, vel, explicata incommodi magnitudine, misericordiam excitat, & cæteras etiam perturbationes mouet.

Species amplificationis sunt duæ, indignatio, & conuictio, indignatio est oratio magnum odium, aut iram concitans. Conuictio est oratio auditorum misericordiam captans.

Amplificatio est pars perorationis, cuius duplex munus est, amplificare rem confirmatā, & in summā redigere, quæ sparsim dicta sunt.

Causæ amplificationis sūt tres, efficiēs, materia, & finis. Efficiēs est ipse orator, qui amplificat.

M

Materia

Materia sunt verba, & res: verba multiplicia sūt, grauiā scilicet sonātiā, superlata, epitheta, coaceruata, & iterata: huiusmodi verborū per singulas species exempla afferamus: uerba grauiā sunt, vt, si adhibeamus inflāmare alicuius animum in aliquē, pro alienare, item si dicamus, Turcæ exercent immanem sauitiā in captiuos, pro duriter tractant.

Verba sonantia sunt, vt quanquam pro etsi, moderatio pro modestia, concertare pro pugnare, optimus pro bono, officiosus inus pro officioso.

Verba superlata sūt, si dicamus diuinū, atq; incredible genus orationis, pro elegāti genere, orōnis: vestra īmortalia bñficia hoc ē magna.

Verba epitheta, vt mens æterna pro deo, Neronianam sauitiam exercet hic, hoc est crudelitatem exercet.

Coaceruata verba sunt, vt si dicamus, Hunc ex numero hominum eiiciendum, ex finibus humanæ naturæ exterminandum puto, quod incrementum dicitur.

Verba iterata sunt, vt, ego sum ille consul, ego, inquam, sum, qui Rempublicam seruaui.

Res etiā sunt materia amplificationis, quæ sunt peccata, & incōmoda, & de his vide Aristotelem de magno, & paruo.

Finis

Finis amplificationis iracūdia, & misericordia: qui enim amplificat, aut iracundiam, aut misericordiam concitare vult; quomodo autem iracundiam concitemus, vide Arist. lib. 2. Rhetor. de iis, quæ iram mouent: misericordiam mouent mutatio fortunæ, enumeratio malorum præteritorum, consequentium, & præsentium, res turpis, humilis, illiberalis, indigna ætate, genere, pristino honore, prostrata virtus, hypotyposis, insperata, mala inopinata, prosopeia, inopia, infirmitas, solitudo, & de his latius vide Aristot. lib. 2. Rhetor. de his, quæ misericordiam mouent.

Effectus amplificationis est perturbatio: qui enim amplificat, mouet, ac perturbat animos audientium, & hoc est potissimum instrumentum ad persuadendum.

Huic contraria est extenuatio, quæ sedat iram, dolorem, & cæteras animi perturbationes.

Instrumenta, quibus amplificamus, multiplicia sunt: multis enim modis rem aliquam amplificat orator, primus modus est.

Comparatio, vt si tibi contigisset vomere domi tuæ, præsentē vxore, & filiis, hoc turpe fuisset, quāto turpius est, hoc in conspectu populi Romani facere.

Incrementum, vt facinus est obtreſtare patri, impium contumelia afficere, ſacrilegium uerberare, quid dicam occidere?

Congeries, vt hic è viuorum numero eſt eiiciendus, & extra naturæ humanæ fines exterminandus, & infra mortuos amandandus.

Intellectio eſt; cum aliud ex alio percipimus, ut Virgilius, cum magnitudinem Polyphemi deſcribere uellet, eam hoc uerſu complectitur; nec dum fluctus latera ardua tinxit: item Cicero cum oſtendere uellet, Antonium in illo cõuiuium magnos, & multos uini cyathos exauſiſſe, hoc pacto demonſtrat: tu iſtis lateribus, iſtaq; gladiatoria corporis firmitate, tantum uini concoquere nõ potuiſti? quod nobis demonſtrat, magnã uini copiã fuiſſe exauſtam. Amplificamus etiam aliquam rem, ſumpto ordine locorum topicorum, & primo.

A definitione amplificamus; vt uiliſne tibi uidetur illa teſtis temporum, lux veritatis, magiſtra uitæ, nũtia vetuſtatis? pro hiſtoria: item ars illa benedicendi, inueniendi magiſtra, diſponendi ſcientia, eloquendi mater tam facile negligitur? pro rhetorica: amplificamus etiã à definitione, cum uſurpamus uerbum debacchari pro conuitiari, pro errato ſcelus, pro hor-

hortari inflammare, &c.

A' toto, vt tota ciuitas te expectabat, te senatus, te equeſter ordo, te plebs deniq; tota expectabat: itē totus Piſo madebat, caput, humeri, brachia, corpus, latera, humeri Piſonis diſtillabāt.

A' conſequentibus etiam res aliqua amplificatur, vt magna ſtrages Romanorum facta eſt apud Cannas, tres anulorum modii ab Annibale collecti, & Carthaginem tranſmiſſi ſunt, flumenq; ſanguine longo dierum ſpatio horribilem ſui ſpeciem præbuit.

Ab adiunctis, vt ciuitas expugnatur, vel euertitur, hoc ſic amplificat orator, pueri à matrum vberibus auulſi parietibus illiduntur, templa profanantur, virgines violantur, matronæ in ſeruitutem abducuntur, nulli hominum generi parcitur.

Efficiente, vt matrimonium eſt res præclariffima: quid.n. præſtātius eſt, quàm id, quod Deus induxit?

A' cauſa aut. Materiali, vt hic anulus præclarus eſt: ex auro enim eſt conflatus.

Formali, vt, ſi velis amplificare præſtantiam alicuius formæ, dices, eam Cæſaris imaginem præ ſe ferre.

Finali, vt leges præſtantiſſimæ ſunt, vt

pote quæ salutem Ciuitatis spectant.

Ab effectis: Cic. in Orat. pro Archia præstantiam litterarum amplificare volens, ab effectis illud facit: hæc studia litterarum, inquit, adolescentiâ alunt, senectutem oblectant, secundas res ornant, aduersis perfugium, ac solatium præbent, delectant domi, non impediunt foris, pernoctant nobiscum, peregrinantur, rusticantur.

A' contrariis, vt pater bellum gerebat, domi filius nuptias comparabat: item alii iuuenes operam dant regibus, alii musis vacant, alii rei militari, & vnus Antonius ociatur.

A' simili, vt valetudo amissa postea recuperata iucundior est, sic patria amissa, & postea recuperata iucundior est, & optabilior.

A' dissimili, vt reliquæ artes non sunt omnium ætatum, temporum, locorum; studia litterarum senes oblectant, pueros instituunt, iuuenes formant, noctu commorantur nobiscum, dieq; peregrinantur.

A' minori, vt equi gestiunt aliis præcurrere, canes cursu alios superare contendunt, solus Catilina nulla gloriæ cupiditate tenetur: item si ructare in conspectu Populi Rom. turpe est, quanto turpius est vomere.

Alium

Alium etiam amplificandi modum circumstantiæ nobis præbent, quæ sunt sex, persona, locus, instrumentum, modus, tempus, & causæ:

A' persona amplificamus, ut turpe est violare virginem, sed turpius est, si à sacerdote violetur. Item quid turpius est, quàm, si magister equitum, & publicum negotium gerens in conspectu Populi Rom. vomat.

A' loco, ut turpe est vomere per se, sed turpius est in cœtu Pop. Rom. & pro tribunali sedentem.

Ab instrumento, ut trunca manus pinum regit, & vestigia firmat, quibus verbis Polyphemi magnitudo exprimitur.

A' modo, ut clam occidisti, ne se defendere posset: turpe enim est per se, sed turpius clam occidere.


A' tempore, ut in maxima rei frumentariæ inopia frumentum inuexit Cato: quibus verbis magnum Catonis beneficium amplificatur. Itē occidisti iuuenē in primo flore iuventutis.

A' cau- } Impellentibus, ut nulla causa impulsus
sis, aut } eum occidisti.
 } Finalibus occidisti, ut ex eius ^{pe}morte aliquid utilitatis, aut voluptatis perciperes.


Errata sic corrigito.

Pag. 4	ezdant	cedant
5	ipse	ipse
8	Pyrrih	Pyrrhi
11	querebant	querebant
11	Cesaris	Cesaris
13	partiepii	participii
16	virginiatem	virginitatem
28	cutione	locutione
33	corpus ad humanum	corpus humanum.
38	culpam	culpa
38	cum finalis	causæ finalis
39	amterialibus	materialibus
41	Proemeum	Ptolemaum
44	secernantur	secernatur
45	defiuntur	definiuntur
48	dimidia	dimidio
52	fecicisti	fecisti
53	pomum : pomum	fumum : fumum
55	operam non det	operam det
57	callidum	calidum
59	elemenris	elementis
65	veneratione	venatione
67	multiplicè	multiplicem.
68	ferri	fori
69	relictus	relicturus?
70	ad aliqui	ad aliquid
71	essentu	essent
74	vt poticui	vt pote cui
75	à relationes	à relatione
77	puniantur idest at	puniantur : at
83	facile est , qui	est quod
88	iuuertitur	inuertitur.
Cetera Lector æquus per se corrigat.		









13